

無不宜齋彙四卷

乘不空  
未定稿

杭城並江而東數十里邨落萬餘散居漣桑之中卽以其蠶桑之所息績絲以爲縑繒或糾合以爲綫紡杼錘竹左響右應相接十餘里近遠求其闔戶雜誦之聲蔑乎無聞兒童授邨書未竟卽謝業而他務自其高曾之所誨教儕偶之所詔語惟是課責筋力勤者爲賢計較錙銖纖嗇仰有取俯有拾搢搢然卒歲悶悶然終身積久而風俗成故垂纓振裾之士不接於目長者之車不逢於道見有整衣履輒詰問事何事數百年來習舉子業而步黌宮者視若景星卿雲無以眩耀聳動其耳目若忘其世固有大雅之一塗也 國朝重熙累洽文化覃敷譽髦不擇地而出而吾鄉揚嘉橋翟氏始以詩書

鳴翟氏一門少長皆讀書文采斑斑蔚若於菟其仲氏  
晴江爲尤怒以其經藝之餘力汎濫及於古籍山經地  
志稗史說部佛乘道誥之窳瑣尚蒐獵而弗炙之其他  
益可知著書矻矻不休成數十卷尤長於詩他人蹙縮  
不能道一字晴江警歎抒千言一題或數十首險韻或  
疊三四至於十於體自三言及八九十言無格不備能  
於奇窘艱仄處翺且翔焉極掉臂游行之樂少年結東  
臯吟社時才氣已若此吾浙國初衍雲間派尚傍王  
李門戶秀水朱太史竹垞氏出尚根柢考據擅詞藻而  
騁轡銜士夫咸宗之儉腹咨嗟之吟擯棄不取風雲月  
露之句薄而不爲浙詩爲之大變晴江嘗再入都得與

當世秉文幟鉅公通晉謁若鄭筠谷侍讀金江聲憲副  
杭董浦編修等及浙東西諸名士交雉鴈訂縞紵人人  
皆樂得晴江晤朝夕當其清觴酌花別袂贈柳頻預高  
會於盟文歆墨之壇其聲明儀物之所臚列包匭之所  
貢納未遽在執蒲穀以下而主盟諸公於晴江隱然時  
有所畏蓋其詩實入浙風時尚之彀故能聲譽著稱若  
是歸而篋衍告滿四方之士來求晴江之詩十手鈔勿  
供乃謀付之梨棗而屬序於予維樹虛學勿竟志甘心  
伏野以老立身未能取信於世譏讒交至烏足以序晴  
江之詩令其取信於天下後世之才彥哉顧晴江視予  
爲鄉曲舊人交又最久遠沛其聲而遺其近侶雖謫陋

無不宜齋彙  
勿欲棄也是屬序之意也而予又幸鄉里中傑然起晴  
江一人破野田鄙瑣荒陋之習而扇以詩書之風香以  
騷雅之氣爲數百年來萬數邨落發其聲光遠近父老  
豈無有豔其文采而教其子弟事學者乎吾之子若孫  
得無有藉晴江之交遊而得扶大雅之輪以振作者乎  
太平無窮薰染無盡將見阡陌之中詠菁莪而歌金石  
之子肩背相望化樸野爲華腴實自晴江開其先則予  
雖不足爲晴江輕重上以歌

帝化下以誌鄉里之慶亦野老之任也序其何敢辭  
乾隆壬申夏至後臨江鄉人吳樹虛序

無不宜齋彙目錄

卷第一

古今體詩共一百十六首 丙辰至己未

卷第二

古今體詩共八十首 庚申至癸亥

卷第三

古今體詩共一百九首 甲子至丁卯

卷第四

古今體詩共八十三首 戊辰至辛未

無不宜齋未定稟 卷一

甘棠邨襍詠 并序

予居臨江鄉去城市遠風土幽奧家勤于農桑有幽人風宜于詩凡觸趣會予一一詠之存如干首舊編圖籍經界次以周與嗣千字文而予居適直甘棠二字又近里有百年老棠樹遂以名村後之按志者知臨江鄉有甘棠邨自予始

傍舍清瑤流浮空光可掇沙雨隔宵添沿花路八達抗

抗蜻蜓舟興至一櫂撥 港

鄰界水東西行空一虹貫凭闌俯倒影髮髻石髮亂誰

仁和翟灝晴江

精藏書

上海圖書館藏

無不宜齋  
某記題名沙侵石未爛

橋

漁火不隔岸密繫柴籬根瓦鑪爨荻葉濁酒分兒孫人家值水缺連補成完村

漁舟

芄桑一色鋪儻莽不知處凝光變須眉綠天迴殆庶下有竊脂禽翻飛自來去

桑林

桑土亦宜田當年未曾闢舍北頗閑曠一犁試芟柞雉雖春雨餘顧盼好禾麥

田

町畦縱復橫楸枰畫方罨天晴蚓竅啼風定蜨絲結鄰丈共忘機翦蔬約宵話

菜圃

暗脉通遙泉湛湛水花皎比屋動晨炊銅餅出未了輾轉桐床驚起棲桐鳥

井

笠影覆瀟灑四望碧陰開援琴坐石檻粘破新莓苔臨風七弦寂美人來不來

亭

市酒紅如血邨酒白如雪只道市酒濃不知邨酒潔竹外一帘斜試與銜杯說

酒店

茨簷碌碌塲小業著方賄睛絲曳長空衆星排磊磊居然握經綸託術詎嫌猥

綫塲

儵魚百千頭淥水四五尺蘋風吹澹沲烟草共一碧釣魚人不來鵝鵲立釣石

魚池

登樓開北檻對面臬亭山野淨寒木疎天淡孤雲閒此中有真得獨坐怡妙顏

遠山

吾愛村夫子敦學存本意不藉占巍科所在略識字狙

公調羣狙慢言莫輕戲

塾

破殿雜筐籛古佛坐逼仄孤棲壞衲僧  
刀耕自食力無才掉清機客來相對默

僧舍

倒竹屈成籬籬光仍綠潤作折讓漁磯  
聯疎借木葺固藏隱者心野月漫閒進

竹籬

參騰蘿蔦秀卓立風雲高儼然一村  
霸氣勢矜雄豪瞻衡作標識遠勝旌與旄

喬木

冥冥風雨宵孤燈一杠揭熒光散空  
虛燦逾田燭設夜闌歸人稀隔林自明滅

天燈

寒原鷄犬靜幽響出蘿幄天晴孤枕  
明遠近聲曝曝懶窳暗驚心起看河射角

機聲

雨後晚歸訪吳西林隱君

過雨碧林下東臯踏屐歸餘涼倏如洗  
殘日不成暉夙念青雲器閒尋白板扉  
知君頻謝客爲我獨依依

石門道中

繅絲聲裡雨初晴滿路飛花客子行  
麴水一程通構李翠屏幾摺到臨平  
片帆風急舟輕度側岸繩牽樹倒迎  
取次殘陽沙渚落陰陰桑柘接溪城

繅絲行

春蠶老去辭筐筥寸腸宛轉絲千縷  
鼎湯初熟蟹珠繁繅絲車上烟如雨  
一縷未斷一縷連一聲旣往一聲還  
鎖星鼓動環繩轉幽牕軋軋吟新蟬  
綿延脆緒引未極

無不宜齋  
佳人撤筯長太息吳儂一月廢佳眠養得蠶成幾金直  
臨晨剝繭赴繅盆身炙手烹勤作力下車收控雪絢絲  
鳴機不待蟲摧織可憐用盡細工夫紉絹何曾自光飾  
不見少年沉醉美人家纏頭拋擲賤泥沙

村中晚興

所居地幽寂薄暮客來稀一徑吠寒犬數家鳴夕機厨  
烟補山翠林篠暗柴扉蹋葉忽聞響鄰翁散社歸

橫塘

猪坊鴨舍

名二橋

短長橋蹙出江鄉路不遥記得往年曾

借問白荷花外小停橈

夜卧聞潮

空階白月當中宵寒蛩四壁鳴蕭蕭哇咬入耳細已甚  
轉令覓夢思英韶天公解我胸次闊特遣海若揚秋潮  
初時但作炊甑響忽然號怒奔驚飈千槌鼓擊萬虎嘯  
軒窗戛戛恍動搖我時披衣不得卧寸腸展轉生憂焦  
連年江岸苦衝嚙瀕江田宇多傾漂飛章上請泉府  
發痾瘵廛慮勞天朝新塘創築亘百里千夫日日疲  
征徭乘秋漲溢潮更猛官立程限誰寬饒但得魚龍一  
睡穩長波遠赴歸墟消東鄰西舍各高枕吾耳豈復嫌  
清寥

和戴問渠南樓晚眺集杜四首

天畔登樓眼幽襟興激昂烟霜淒野日雲水照方塘吠



無不...  
廠孤城外柴門古道旁長歌意無極回首一茫茫  
靜者心多妙巖然耳目開無人覺來往倚杖更徘徊落  
景陰猶合歸林鳥卻回樓高欲愁思羌笛暮生哀  
勝地初相引題詩好細論山虛風落石月掛客愁村野  
樹侵江闊城陰帶水昏浮生看物變懷古意空存  
遠色有諸嶺邀人晚興留秋風吹杖几落日在簾鉤天  
地空搔首行藏獨倚樓眼前今古意庶與慰沉浮

赤岸村

山塘十里五里村落三家兩家野曠最宜踏月地閒儘  
可栽花

雨夜發海寧訪俞祇文孝廉始乾明經

行人爭渡急渡口正黃昏出港寒烟靜鳴橈細雨繁菰  
蒲平蟹岸燈火溼漁邨不負故人約扁舟繫郭門

龍神廟

貝闕珠宮耀海山璫梁珊瑚樹錦爛斑人間巧盡般倕手  
只恐龍公視等閒

登占鰲塢

孤塢撐空表層楹洞達開盤蛇遵曲折攀鷓據崔嵬海  
勢隨天闊濤聲撼地來六鰲蟠處近髣髴見鱗顛

海塘鐵牛

大禹鎮洪水鐵鑄殼鯨牛跨身河南北遺廟祀陝州咄  
哉東海濱覩此神物畱誰爲舉鞭筮千里遙奔投要知

無不宜齋  
捍護策取法貴千秋作聖述者明先後同謨謀五行具  
生尅斯理若可求土牲氣臨壓制水成安流蛟龍仗尺  
木金旺勢自收狀獐威力逞質重光氣浮辛壬識年月  
乳篆勻雕鏤文犀覺形猥掉尾隨潛蚪絕岸起如郭耕  
作盈田疇假茲一牛力坐抵千鋤耨旒旗牧人夢衽席  
登優游宴波永不溢圭臬通荒陬萬里黃支國納賚朝  
珠旒

偶步東園

列隧千重比戶饒閒身端合避浮囂桑畦遠隔人家小  
菜甲平連雉堞遙東郭自來堪踏雪南湖好在復通橋  
邑居仍作荒郊看林下何須杖策招

海門歌

海風浩浩吹海立嵯峨化作千石級東西對起兩角觶  
朝時陽開暮陰翕江斐海童相出入浙流萬里日噓吸  
中傾建瓴箭馳急天然設險制巖邑峽口龍門擬可及  
集唐句書高唐賦後

爲雲爲雨楚襄王爲雨爲雲楚國亡雲雨今歸何處去  
不堪回首望高唐

夕陽

春游意未歇日夕傍西崦虹腰彩氣連鴉背金影閃平  
川樹無翳遠目看徐歛翻壁動鱗鱗隨帆去冉冉微黃  
賸山額繪筆難渲染曝衣誰家樓人寂窻未掩歸路少

徘徊暝色送青點

咏煙草

耕地栽瑤草能令四德俱

崔林玉露載檳榔四德醉能使醒醒能使醉饑能使飽飽能使饑或即以評烟草

占肥同黍麥望影接芰蒲載採香何烈云黃葉已枯縛

箱通遠賈懸旆售交衢柿削堆初積絲分縷不麤輕柔

搓柳綫瑣碎落金麩蘭屑紛攪和蘇膏暗洽濡慕羶情

自切嗜炙性無殊費薄錢挑杖饒深唾漬盂細筒裁竹

箭夾袋製羅縠佩或隨鳴珉攜常倩小奴鍤金抽篋簾

律管實葭苧藉艾頻敲石圍灰尚撥爐乍疑伶秉籥復

效雁銜蘆墨飲三升盡烽騰一縷孤似矛驚燄發

漢西域傳車師

王句姑家矛端生火

如筆見花敷苦口成忠介焚心異鬱紆穢兼岑

草亂

吳越春秋越王病口臭令左右皆食岑草以亂其氣

醉擬碧笛呼吻燥寧嫌渴唇津

漸得腴清禪叅鼻觀沈漉潤嚙胡幻訝吞刀並

張衡西京賦吞刀吐

火雲霧杳冥

寒能舉口驅

吐氣成火事見葛仙翁別傳

餐霞方孰祕厭火國非誣

繞鬢霧徐結盪胸雲疊鋪積青凝斗室橫碧漾紗幘七

灼心除痰三巢胃滌污舍來思邈邈策去步于于款客

猶先茗澆書不待醪澀回嘗橄欖疫辟浸菜莢洱海諸

糧絀番禺蒟醬輸作騷多臍馥採藥早遺珠郭璞箋仍

缺嵇含狀莫摹滇南功獨奏閩右路羣趨種未周三甲

風先布八區

景岳全書烟自萬歷時始出于閩廣間向以征滇之役師旅深入瘴地無不染病獨一營安然問其故則眾皆服烟由是徧傳

相思名旖旎

俗稱相思草

呵應語糝糊

田雯黔書黔人以食烟為呵應

損益人憑說

辛芳爾不渝詩腸感黛染吟謝淡芭菰

寄懷尸阿上人

口業乘除筆硯功莫將心地等頑空  
平山堂上揮犀說笑殺一羣獅子蟲

立夏後五日薄暮驟雨即晴

墨雲齧齧西南來狂龍挾勢驚奔雷  
夕陽倉卒收不及劃住半壁青天開  
銀河倒瀉力士挽林端咫尺諸峯遠  
迎涼未擬掩書幃蝶竦低掛桑榆晚

桑椹

髻兒爭拾滿筠筐纂纂猶餘陌上桑  
紫玉碎雕肌綻粟元珠新摘膜涵漿  
爭差鶴頂楊梅潤壓倒龍綃錦荔香  
不道吳蠶知食葉卻輸佳味與鳩嘗

臨平襍咏

蜀桐吳石闕聲靈鳳翅高張一抹青  
橫榜孰書同口字

夕陽飛燕滿空亭

桐扣山西為鳳皇山俗云同口見周益公題跋夕陽飛燕子元釋明秀汎桐扣句

石函文啟兆亡吳矯詔徒憐赤水污  
轉怪後庭歌未歇

賣身先作佛家奴

石函見三國吳志矯詔赤水見晉書桓元傳及水經注佛奴見南史陳後主紀

擲杖深山起籜龍管城子並受斜封騎  
驢獨自來深塢

不見當時野鶴踪

咸淳臨安志安隱院地產曲竹唐邱隱士丹成羽化植杖生此三四本顧通翁韋蘇州贈邱詩

亭亭香堦闖空林憑仗蒼駝巨力任  
怪底浮雲遮不住

一尖常刺別離心

老學庵筆記臨平山為駝形駝負重則行故作堦於馳峯東坡詩一別臨平山上堦五年雲夢澤南州

菱花種出幾經年竹色池光鬪碧鮮  
翻盡茶經并泉品

僧寮誰試雪甌煎

當年陸羽空收拾遺卻安平一片泉東坡詩今刻泉上

西湖歸道出東湖七字詩成賞大蘇六月臨平山下路

更誰寫作藕花圖吳幾先論參寥詩五月非荷花盛時只云六月亦豈不佳見放翁筆記宗婦曹夫人為參寥作臨平藕花圖見

朱昂續  
駢叢說

古鼎湖傾瀉怒瀧永和隄築駕雲杠蕭條景物端如故

水鳥時時下一雙許應龍永和隄記隄阻鼎湖白龍潭之險趙希櫛臨平詩市井蕭條景物非居人猶號永和隄

鎮上人家雁齒羅前臨官道後官河麥風梅雨新絲候

兩槩迎來販客多成化杭州府志海寧與仁和上塘蠶絲臨平市貿易為多二三用楊誠齋汪浮溪過臨平詩語

笕橋途中作

淺笠輕衫得自由近郊閒趁晚晴遊翠陰夾路忽成蒼  
涼氣襲衣先報秋園朵欲攀搖未定井華待汲去仍畱  
烟邨曖曖遙相引幾處柴扉傍竹幽

檻熊

熊絕有力亦曰麀托居深在芙蓉巖輕能緣條猛拔樹  
捷足遠過銀蹄颿獸權不使虎豹擅况屬狐兔獾狼獬  
胡為鬱鬱困茲土木索寸比周如函低頭伏作乞食狀  
給肉迺令山僧監大腹彭亨舌蚶蚩微腥何足解貪饑  
從來尚力必至困此理所在人禽咸猩猩長啼萬萬笑  
各見五體遭屠剮吾聞汝類螫蟲螫涉冬往往藏空嵌  
胡不終若元豹隱飲泉食果栖松杉乃復當道露其醜  
使彼獵者驚僮僂周施網罟牙爪廢雙蹠幾致和酸醜  
生居牢籠尚汝幸豈必溼我江州衫世間良物且受制  
言鳥戢翼馬投銜

九秋咏和家曉江大兄

閭闔西南至遙驚萬里秋刁調林襍語飄忽葉長流帶  
響搜空穴齋涼入小樓年華吹漸去愁絕客淹留秋風  
秋至分明見橫空白練痕迢迢通海脈宛宛界星垣洗  
甲餘波挽旋乾倒影翻仙查不借便誰與遡真源秋河  
蕭雲晴不定斂色變迷漫滅景催成晚蔭空停作寒窻  
非遮樹黑天要護霜乾樓上人搔首戎戎醉眼看秋陰  
天標氣孳斂不雨自冥冥秀竹吐寒白積虛凝暮青神  
工經幾洗畫筆許誰形淡極猶生艷閑花開滿庭秋色  
風林除碧障萬里景澄鮮點染惟容月褰裒始認天高  
樓思不盡獨鳥去無邊宇宙自軒豁人生何踟躕秋空

陡澗從空劈雙厓壓路深泉高晴噴雨蘿密晝藏陰古  
樹經千歲清猿時一吟懸知龍蟄處未敢久窺臨秋礪  
關心河畔草極目水邊洲白露年年節斜陽處處愁啼  
蛄弔幽夜牧馬散高秋欲共霧均語沅湘未可游秋草  
腹瘦已如此胡爲怨滿腔參春勺漏滴酸耳到鐘撞破  
壁斜穿月孤衾淡照釭草頭應露重移響入幽窻秋蛩  
何人信高潔徒爾愛孤鳴秋杪不知歇夕陽無限情殘  
音移樹遠微思入霜清我亦蘇門客臨風嘯一聲秋蟬  
和戴問渠許滄溟兩處士重九前三日登吳山

韵

吳山秋淨轉崔嵬二客招同眺遠回賞節不拘重九日

無不宜齋集  
登高應上大觀臺長江潮擁鷗沙落遠嶠雲連鳳翼開  
醉倚石闌看不厭夕陰亭外雁聲來

題畫冊

日落晴川空隔陂烟樹遠家在板橋東抱楫歸來晚  
偕吳西林沈立人過沈翁宅看菊

節物驚心屢自牽迢遙石徑埜林邊碧山小約日多阻  
紫艷繁開秋可憐便欲借花永今夕誰能稱此賦當筵  
孤芳莫嘆時遲暮翠杓綠尊逢少年

寒枝香遍我初來白板雙扉傍水開北郭此時堪照眼  
西風何處更登臺愛傳繁品能千朵可有餘情戀一杯  
但使百年多暇日荒籬隙地儘栽培

江口望隔岸越山

曠懷臨清江一洗塵目暗渚影辨空濛潮光瀉瀏濫青  
鬟何婉孌凭流下窺瞰仙裙疊皺多畫筆描痕淡盈盈  
水一方接就想能整試因五兩風自解百尺纜

將之京示別同學諸子

離別雖可悲傷悲亦有因男兒恃意氣高舉奮薄身時  
哉或我與立據要路津蠲腸謝齷齪驪首忘苦辛帳飲  
東郊外百里瞻行塵賓朋遠相送一叙平生親會當別  
斯須茗茗若參辰衰衷豈無意恐令氣不振誰贈繞朝  
策看予朝玉晨

少年輕遠遊祇令識者鄙寸心懷區區安知所言哆風

無不宜齋  
卷一  
霜行路難煩言噴子耳未嘗違戶庭何欲眇千里磊落  
四方志生小祝弧矢不奮鉛刀用終引匏瓜耻悁脰晞  
長雲 皇都一何綺竭志放情願衢路從此始龍蠖異  
所抱公等自掃軌

舟中別許聖裁

判袂鄉關上客船含情且復暫留連山川爲我廣聞見  
鞭策憑誰較後先折柳故人來幾輩把杯深夜想當年  
夕陽樓下匆匆影舊路遙看子獨旋

溪行雜占

三分橋北筓徐收影落青篷曲折流一帶人家小平遠  
春山春樹滿船頭

連波碧草黯離寬遠道纔過新市村欲就含山訴憔悴  
水烟濛漠又黃昏

鞋樣船兒畫彩新玉篙撐去採蘋人別灣窈窕通何處  
淥水桃花灑灑春

落梅風峭瘦春枝竟夕濃愁鬢欲絲想得朱樓寒不到  
倚闌猶弄玉參差

虎邱

山塘之下紅畫船山塘之上羅管弦春池大鑿闕倩影  
石壤高張排野筵玉鳧扁諸亦安在青驄油壁徒紛然  
旅人坐嘯脫佩劍蒼茫虎氣猶騰天

無錫

無不宜齋

卷一

七



繞郭春流滿，征橈去不停。參差晉陵樹，岩巘惠山亭。曾  
步添沙出，糟床接路聽。緬懷泉上客，盥洒足罍餅。

京口待渡登岸眺揚子江

生小跼步循書龕，書林寢食如銀蟬。每念江山最勝處，  
輒思一飽酬婪酣。揚州巨浸環江三，上游控勢雄東南。  
鄉臯溯游一水地，遠遊興始今年耽。首途喜得夙願副，  
塵眼一豁心俱甘。盈空浩氣自泓涵，遙亘匹練奔吳驂。  
江豚匿影風不歇，掀波拍岸愁崩坍。瞥眼倒拔青瑤簪，  
水心巖豎爭漣泮。撐扶菌質下無地，不識天匠奚雕鑿。  
沉鐵萬古蛟龍潭，險惡水性誰能諳。運渦噴沫雨倒灑，  
半巖花雨交毳毼。溟濛遠目恣所貪，直欲乘躋窮瓊儻。

垂雲健翼微如鷁，擊珠伏影蠕如蠶。日浴如萍樹如薺，  
葭蒲如髮披鬢鬢。徐沿詰曲行趨趨，反景安得長戈鐔。  
層陰萬里雲交曩，山光水色齊吞含。餘興未洽心轉慙，  
孤瞻張眼遙峯探。豁若寶鏡開重函，照徹下上明烟嵐。  
倒天作底沉蔚藍，漁商寂靜無咕喃。吸精水物羣朝參，  
瓊蚌鬪光頰蟹躍浮游神。蜈舒洪蚶更多不識心，懷慙  
擬將誦詭詢僑郊。攬身登舟夜將半，舟子具酒輸瓶甌。  
快觀聊助深杯談，小言獨自誇詹詹。胸羅溟渤此際事，  
倚歌屬和何人堪。

儀真

瓜浦春潮落，連鯨繫水隈。沙邊叢小市，樹頂矗高桅。快

無不宜齋  
雨波神過癡雲颺母來長年江口望只許石帆開

紗帽洲守風

明朝準擬跨鞍征作客真難早計程舟人以預量程期為戒多得江  
村一日住安知不是石尤情

浦子市舍舟騎行晚過烏衣鎮作

驢券書三紙駝山記首程自浦子市十里為駝山嶺風塵拚飽歷羈勒

就孤征土銜人烟少旃裘客隊并終朝逢亥市石滑更難行

次滁州瑯琊山下

春空四無雲日出盡遠勢望望瑯琊山馬首滴濃翠垂  
鞭度荒城望中境已至迢迢往路長為佳且少憩羣峯

展列屏一水落寒穗幽禽叫相應雜花開無次風流憶

賢守關地饒清致名亭路尚紆未遂探古志刻竹記興

懷吾將預同醉卻掃編政和中唐恪守滁亦作亭山間名曰同醉

上磨盤嶺

侵曉清流關望此等培塿竭來山程行自午直至西盤

旋石轍深九折到谷口舊語徵大槍易名固非偶貝清江集作大

槍嶺饑馬疲不前跼跼凍蟻走山靈轉詫人石狀呈怪醜

坦懷無崎嶇壯志尚抖擻搖曳眼中青風帘喚沽酒

臨淮

桐栢水湯湯奔趨到鳳陽道遙容隱吏草昧起真王今

古一夢境江淮百戰場持鞍當落日寂寞渡浮梁

徐州

漠漠平原舊楚郊  
高卑形勢鬱盤坳  
羣峯北去荆塗接  
濁浪東來汴泗交  
千古憤王畱血食  
五更霸氣出林梢  
太平時不忘爭戰  
月落嚴樓戍鼓敲

曉發滕縣

匆匆旅宿先鴉起  
敲鞭直走二十里  
數望東光不肯明  
殘月殘星墮遙水  
馬頭續夢夢思淺  
戍壁畫人驚睡眼  
槐梢列道見模糊  
名蹟愁從暗中遣  
有木勝題滕文公行井田處  
長風浩浩烟漫漫  
平沙遠草征蹄寬  
郊圻曠闊有如此  
分田畫井夫何難

楊柳

飼馬摘垂楊  
垂楊古道旁  
枝枝清露滴  
葉葉春風香  
遊子意何爲  
流鶯語更長  
濃陰遮我眼  
無處望江鄉

恩縣四女祠

是否嬋娟屬宋家  
田山薑云唐之宋廷芬女  
綠槐枯盡叫慈鴉  
蓬蓬十丈驪灰裏  
枳落猶開姊妹花

趙北口

燕陲不可識  
一片水迢迢  
事去悲歌在  
時和景物饒  
波心閑白舫  
柳色麗紅橋  
信美皆如此  
誰嫌北夢遙

盧溝橋

涸涸桑乾水  
別派流黃盧  
長橋亘單跨  
老柳欹半剝  
瞻姿媚曉景  
表勝明昌初  
我來不及時  
惆悵日西晡  
芳踪

憶元代雅集詩傳蒲

河千元有符氏雅集亭見蒲道元詩

酒亭或未圯庶慰行客

孤興懷林外望疆礫盈蒿塗不信鬧熱場風景亦已殊  
揮鞭且勿愁咫尺 皇城隅脫驂養筋骨卧遊堪自悞

餅中芍藥和俞槐谷舍人

長安三月不見春春風處處吹香塵倏忽已傳花事了  
卻畱婪尾償鮮新豐臺地僻南門外土人種花如種菜  
連畦接畛望無邊緝繡真成萬花會城中花市擁價高  
花前錯落金錯刀朝開幕翦不得惜日移萬本隨擔挑  
我方欲作豐臺賞俗事蹉跎廢幽往賣花聲過市梢來  
有腳陽春如就訪膽瓶買得定州瓷活水新添插數枝  
深紅淺白巧相間石屏竹几橫參差良書獨擁簾晝垂

花氣濛濛撲面吹微參鼻觀可終日穿櫺不許狂蜂窺  
昔聞花性隨風土廣陵名重三家譜如何冀北花更繁  
翻令江南不足數燈前相對倍關情同自江南達畿輔  
玉堂堦下好追尋莫忘此日衡門侶

暑月買冰偶成斷句

舌本回甘漱玉津北窗清絕散炎塵何當買取盈千擔  
徧給長安內熱人

方鏡和杭堇浦編修韵

揚子新傳百鍊方裁量月魄剪星芒別開生面矜標格  
羞逐時趨掠景光雪冷元珪畱素曜波含文玉折回塘  
範形端楷誠心鑑不用書銘座右張

從來應物譽無方  
圭角稜稜露寶芒  
巧截寒機攢鳳采  
明齊止水侍龍光

上用賈島方鏡詩  
下用江總方鏡銘

玉田常映三秋月  
雲葉

難遮半畝塘  
到處方頭容未得  
晨窻拂拭試窺張

古篆雙文揣尚方  
耑旁矩折走寒芒  
樵成大地縱橫體  
鑿透青天咫尺光  
判色遠勝棋子局  
顧名全合鑑湖塘  
背龍漫作回盤勢  
鱗甲看猶片片張

南金價重立身方  
俗客相看背負芒  
素號辟邪緣守正  
獨持真鑿肯和光  
雲屏對拱雙排座  
菱沼新開四築塘  
徑寸靈犀吾不昧  
清宵常並玉臺張

誰學員通笑大方  
開奩相對轉芒芒  
崢嶸頭角增殊相  
整肅衣冠任葆光  
江鯉剖時疑得簡  
山鷄舞處誤窺塘

已防至察無徒與  
漫逞剛鋒太拍張

精熒巧覆射東方  
啟對還生別樣芒  
金地甄磨騰朗照  
玉壺島近涌奇光  
拂塵端拱依雙袖  
瀉永平鋪湛一塘  
好是容成新建國  
封疆常整四維張

鑿理應知貴直方  
窺顏端肯漏豪芒  
演排洛數龜承紐  
採鍊秋行矩就光

淮南子  
秋爲矩

尺幅迴懸高閣畫  
一窻橫列遠

山塘世間多有摩  
棱手珍掩流蘇  
莫易張

漫言柄鑿措乖方  
周匝何曾洩孔芒  
螭首愈呈端正貌  
仙瞳並展刮摩光  
明珠照乘輝盈軫  
淨練分犀綫劃塘  
倦客更希輪有角  
學他鑪冶事更張

龜龍爵虎各依方  
絳氣時時碧芒好  
自中央周四角

宛呈八面鬪重光鋪金不愛維摩室暈綠還成謝客塘  
憑向咸陽宮卓立一生心膽自恢張

菱彩還隨四照方開時原不逐句芒

庚信咏鏡花  
開不逐春

八义手

欲摩斜勢三反隅皆合耿光鳩鳥運瞳窺曲檻鯽魚潛

跡湛空塘

方目其名鳩見禽經鯽魚  
身正方如印見文選注

破觚羣作趨圓客端賴良

工費主張

尋刺梅園卧龍松不得

刺梅園古松年已數百後矯作卧龍形鬢鬣日騰茂噪  
名昔有聞詭狀猶未覩長安賢地主一一爲予究此松  
本連抱臚直過頸脰隨度曲尺勢偃卧周廣袤榦走幾  
寬抑枝撐各癭瘦昂蓋青蒙茸瞥起爭雲構下可羅四

筵上乃蔽列宿涼飈四搜貫爪甲忽自鬪笙竽合鐘磬  
響作伶倫奏躩踞見領動斑駁粲鱗皴蒼苔蝕古花人  
工點錯繡層陰的的下空翠染不就銳加雷雨催寒歷  
冰霜鏤嘗疑造物意縱巧弄神秀我聞稀轂來宿願蘄  
必副烟塵布廣術望眼生矇眊草色辨徑微周取往而  
復靈虬見客驚奔吠入潛竇脂香遍狼籍土塤亂翻覆  
只疑龍躍飛博敞存虛囿天生物因材栽者胡頓仆精  
靈髯叟寬霆電失呵祐摧戕定斤斧坼裂豈柴樵莊生  
亦有言山木多自寇雕鐫苦檀杏採剥寒梨柚桐麤栢  
爲梁何如社櫟壽否泰共天地陰陽各昏晝物理固如  
此來新去者舊陳迹難討論俗物堪怒宥予予沿歸途

當頭白月殼遠目接平林蒼然列西岫

寄懷吳西林用厲樊榭徵君過西林郊居韻

端坐感離索青青憶子衿傳來多勝事雅處結同心絃

外聞秋肅原詩言聽西林鼓瑟吟邊任髮侵往從不可得江水爲子

深

杭堇浦招吳中林通守于鶴泉齊次風沈晚叔

三翰林胡穉威周元木兩徵士蔣用安上舍周

心羅明經飲丁香樹下分賦得大字

冷官宅第珉城外春關獨闢饒閒悅周簷素壁淨垣衣

暎階碧草橫書帶東風昨夜聞履絢一任花司弄狡獪

丁香乘會不敢遲光色恢張明紫貝珠璫亂垂碎抵珂

鞞麻細紈精逾鴉紛懸罽佩影湘川乍舒眉結迷下蔡

明陽落檻照的皜微風入簾薰醜高陽舊侶各稱傳

暮情遙結憐春靄青鞋不速幾人來落落遽成真率會

我聞有此高興發振衣起舞聲絳繚御街東西步可

到健足不假鸞鈴鑷排闥入座主不麾舉瓊對花時未

艾熱酒澆腸露角芒穠春到眼除肺昧諸公名價倍龍

門環顧獨我沈涓滄尊前共泯流俗見胡肯局迹自駟

僧長揮連袖激清風競騁雄談瀉驚瀨徵評或出半嘲

諷寵賞不辭三沃醑掀冠露頂醉雜沓抽筵匝樹行賴

踞大戶漫逞長鯨吸矮紙尚檢精金汰頗念家園風景

稠數里何曾斷絺繪篙師直賤青油船鼎娥技妙銀絲





欣覩珍條萬口喧林於千个繞曹源

曹源講舍翰  
林讀書所

管和嶰

谷真仙籟葉醞宜城稱壽尊練實已成交舞鳳錦翎又

脫漸盈孫葛陂湯羨雌雄化昨夜春雷起舊根

仗引階前擁蓋深鳳梢簇簇綴華簪凌空不讓千條玉

列貢會偕三品金露潤粉香晴染手雨添風葉夜畱禽

嬋娟久憶東南美日暮天寒倚翠襟

虛心自晦簷簷質震出俄驚十倍才詞賦祗今稱兔苑

招延從此築金臺故園不乏平安報僻徑都隨嘯咏開

虵祖年年扶老望一枝卻稱倚雲栽

題阮生畫蘆雁

幽棲曾寄曲江頭水閣三間俯釣洲一帶蘆花幾羣雁

年年詩思不禁秋

畫本從翻牡蠣窻襍毳毛羽散秋江就中合有閒身共

獨速青蓑倚釣艖

載雪低叢一丈深圓沙拍拍赴幽尋水鄉風物江南景

縱極蒼涼也繫心

重陽前六日葉書山庶常俞爾謙舍人金以寧

典簿盧賓王比部吳鄭公庶常姚舜馨孝廉金

質夫庶常姚南青孝廉申及甫徵士王峩山舍

人湯莘來吏部王璞完進士錢相人編修家峙

文叔曉江兄燕集陶然亭

來經多寶地靜較退思岳秋色他鄉早清遊我輩杕軟

塵宜蠟屐薄冷換蕉衫  
儼屋軒窗淨遺碑歲月  
剗合并  
酬晦雨嗜好共酸醜  
占席陶兼謝趨林籍  
附咸雅歌猶  
次第苛禮盡夷芟  
薄費錢挑杖淳風  
木作槭囊萸循故  
事煮茗解清饒  
稻蟹輸匡膩霜  
橙記手摻梵林  
容暫放  
觴政許誰監撫  
檻青連目題垣  
白勝城遙峯沉  
沆漭廣  
陌被穰穆雁影  
書開畫泉光鏡  
脫函碕蘆人盡  
沒山果  
鳥爭鵲滅響聞  
魚鼓移陰入檜  
杉南雲窮壙垠  
西嶺隔  
嶄巖節序方催  
老登臨更觸凡  
昔遊餘破帽生  
計舍長  
鑿障塏徒揮扇  
揚濤未挂帆菊  
英持晚艷兔穎  
脫秋兔  
魚噉羞同隊鷗  
盟喜至誠當筵  
猶別恨策馬又  
驚驅時湯

吏部王進士家  
孝廉將次歸里

川陸三千杳音書一尺緘  
此身真梗泛後會

想車軼偃仰思無極  
蹉跎髡尚髟狂吟各  
沉醉歡語詎  
詰謫謫遠岫昏鴉接  
疎林落照銜寒花  
分採摘歸騎競鞍  
鞞雅會誰相繼  
龍山一壁巉

### 羣鴉行

江南惡鴉江北否  
得以安爾室家給  
爾口索飽常分野  
鶴糧就煖亦隨陽  
雁首我居儻近城  
南偏秋冬之際聽  
爾去復還朝來體  
嬾尚堅卧飛過但  
覺耳畔鳴風泉日  
暮仍然接歸翼仰  
面貪看數不得漫  
天歷亂幾千羣約  
畧每羣盈萬億低  
勢還疑暝雲墮頓  
使軒窗遮一黑我  
聞石首秋化鳧蓋  
埜輒同暴雨驅又  
聞關西突厥雀連  
羣結隊徧沙漠由  
來百物各成類居  
則連巢出連翅保

聚團樂族轉繁同林義在不輕棄嗚呼我生豈無麋鹿  
儔天涯地角兩處徒悠悠

和鄭筠谷侍讀咏綿簾石炭

祇恐驚風入難嫌皓月遮密同花戶設

苑殿詞話京師冬月既以紙糊窗格用琉璃畫

片嵌之此殿陽楚公詞所云花戶油窗也

寒使妓衣加銀蒜何增重香塵不受斜

雙釘垂鎮日閒煞玉鴉叉

碎鑿房山骨家家抵麩桐出爐銅鎗熱和水粃盆紅

戒菴

漫筆石炭俗稱水和炭

耐久殊茅草消寒黜馬通齋堂畫眉石爭及

劑時功

宛平齋堂村出畫眉石見明一統志

金約甫以寶坻銀魚見餉

蛤山山下波銀色密網牽來二寸魚徧體瑩冰睛點漆

江鄉風物憶王餘

故人珍重餉嘉肴入手親開綠箬包糝附油蒸殊鹵芥  
食經湯法試南庖

無不宜齋未定橐

卷二

仁和翟灝晴江

馬思山員外示以西山紀遊詩因憶去年亦曾有約未踐卽用其酬桑水部韻

蕭居賃城隅開窗接林壑咫尺願有違羨彼僧伽託折簡已成虛賸此興旁薄誰歟三日遊先我一鞭著篆路繞香尋雲峰振衣作清響落天來一一嘹風鶴了經指掌傳坐惜攜琴約掩卷復西笑孤懷詣碧落

花窖歌

司花天女帝所差二十四信相推排甲乙次同蕊榜定篆名一一懸瓊牌產性更聞異南北不獨櫛櫛難踰淮

何來花匠弄狡獪忍使正氣翻成乖漕艘偷裝驛競遞  
五方雜卉分移皆頑冬天氣地坼裂脆質定擬成枯荑  
伊人養花巧方法獨闢煖地營茅齋鑿坎或深四五尺  
周遭瑾塞枯禾稽入室乃類馬遷閉荷鋪復抵劉伶埋  
微難蘊火續晝夜頓覺氣候殊陰霾上已以前上元後  
一時攜出長安街丁香解睂桃頰面行分十二羅金釵  
誰歎得效蘓屬國強逼不受心如錯品高聊任傲霜質  
幻飾未肯隨優俳凡秋花皆不能烘上二語  
借用蘓建傳鑿地置火事其餘晚艷各爭吐  
紛然竄入春風儕俗眼但知希物貴饒涎往往濡同蝸  
纏腰不惜破萬貫壓軸尙擬裝連輦我生亦有判花癖  
對此且復雙眼揩枝枝廉察費矯枉人巧孰與天工偕

精神發越已頓盡火氣中入傷形骸正如娉婷惜早嫁  
瓜期未及紅粉娃又如鞭箠施急迫一逸乃斃犁耜駟  
花靈丁此亦太苦豈屬有意矜顏佳都家少年強解事  
深紅淺白交編挨愛玩祇得目前好經年委棄同茅柴  
唐宮昔有催花術獨擊羯鼓停繁哇頃刻幻開殷七七  
杜鵑花敵西風颯神竒特擅千古話煉彩手欲追皇媧  
胡爲後世昧師法勉強不使花情諧官園種菜或覆廡  
惟漢早已生厲階卓識猶傳名少府不時者黜垂模楷

帝京春事况不寂百花陀立雙晴厓

日下舊聞百花陀雙厓  
一濶上下皆花村人多

有不知  
其名者豐臺芍藥簇繡譜玉河楊柳垂青緡到眼俱呈自  
然趣次第足趁櫻毛鞋陽春所召烟景闊取之無禁探

無涯得意不在馬蹄疾行歌日日春盈懷

喜晴

被池夜釋厭厭氣簾額朝通靄靄光縱使少花兼少酒  
難將天色視尋常

送家兄歸里

落日照金臺倦客有嘆聲昔年兩嫪戀足不違戶庭中  
間一杯酒隔斷三千程三千我尚從骨月他鄉并傷彼  
水中梗本是同根生離踪忽復聚蓄念聊與傾碌碌竟  
何得黃塵滿衣纓迹殊莊舄顯懷土亦同情悠悠歸路  
長蕭蕭征馬鳴去住轉相易我意其難寧

相送出郭門仰望白雲表思我堂上人轉顧成衰老操

持重家督况迺羣季小白髮躬煩勞疇爲伺昏曉江南  
走馬歸決計已非早輕風吹柳條依依接官道雁翅臨  
當乖我心詎不憐且忍別離苦念此腆養好君子審所  
重牽衣亦徒擾

移榻

本是鴻畱爪還同燕定巢明窻開牡蠣空壁竄蠹蛸金  
盡探初覺書殘檢欲拋更須愁屋漏新把幾重茅  
炕寢殊風俗吾猶任所宜掃塵除鬪蟻補足易支龜坐  
卧今宵穩琴尊到處隨東西頭老屋不費草堂貲  
兩年踏壁卧偏爾最相親穿處頻當膝移來宛避人清  
仍懸紙帳軟但欠花茵客至多縫掖梁空不厭貧

無不宜齊  
位置粗相稱翻教怨莫堪寄居常附結眠思欲過蠶聽  
兩人初散攤書子未諳卧遊如可學乘夢到江南

落葉

蕭條景物綠初稀露盡江邨白板扉遠水亂捎舟影小  
寒山欲上路痕微酒情自檢從今病醉鄉記飲流謂  
睡者為病葉旅夢難

隨到處飛底事長安瘦客閒嗟苦愛不知歸

流光一絕鎮相憐傅元詩落葉隨風  
摧一絕如流光菸芭隨消樹樹烟庭院

陰濃纔往日心情搖落又經年登山遠客逢寒雁過雨

空林歇暮蟬莫便臨風奏高曲蕭蕭黃影正無邊

斷角清砧一樣愁烟霏水潦自成秋停車客坐風吹鬢

沾酒人來月在頭顧影可憐同瘦質漫空又捲入高樓

故園尚有凌寒竹記得芳尊綠葉浮

歸程南指路迢遙鬢偏驚亂影飄歸人值落葉落葉  
驚衰鬢皆唐人句桃葉

渡頭人不見洞庭湖上水難消蕭閒古寺停秋磬寥落

長坡唱晚樵踪跡幾年行未到清霜白過舊溪橋

幾飄驢背落銅街纔入秋時便愴懷苦憶鶯聲成往事

暫依蓬梗去天涯蝶黃可更來千隊苔綠無端共一階

解事平頭勤拾取粗供茶竈餉蕭齋

曲寫哀蟬韻玉琴霏霏黃雨自盈林夢雲老鶴移巢徧

入草涼蛩覆綠深梧井露殘迷曉跡楓江水冷助秋吟

朝朝碧幃愁吾眼一望鄉關快此臨

裊裊蟲絲罥帽斜厨烟青翠護山家何人更解吟枯樹

昔日曾來送落花小閣似聽經夜雨寒林宜帶數行鴉  
倪迂畫筆真蕭澹好向西風駐短車

已見梧桐一擲驚白楊今又嘆蕪城閉門卧後階難掃  
散社歸來屐有聲野岸無人秋水闊天街到處夕陽明  
江南黃葉村猶在不獨蓴鱸繫遠情

鄭筠谷侍讀足疾假歸詩以送之

先生大經儒請得質經旨如何天之衢忽乃良其趾視  
履已考祥鼎顛實無否豈惟歸妹占征吉跛能履天山  
慕嘉遯此意吾粗揣咸拇利安居良腓重時止初九不  
出戶久試甘節美鄭自夏初病足  
杜門者已數月係遯終疾憊執遂黃牛抵  
嚮晦入宴息隨時大君子譬彼成功退成終并成始巽

伏且南方足蹇利在是无妄藥何爲損疾適有喜蹇往  
而譽來大亨養仍以似此見幾作神明但存已不待形  
下索紛若用巫史身安德愈崇寧計睽象倚吾蒙更誰  
求歎惜羝羊比

咏花糖三首和汪西顥徵士

小摘方憐嫩蕊殘忍將零艷委霜寒回春賴有團花印  
範出依然朵朵看

釧聲搖夏夜窻春慎取花羹上蠟封採得百花甜口腹  
細腰人亦等游蜂

充糒瑤蕊屑層城餐菊猶聞碎落英略遣投甘從世尙  
不教况味太孤清



集杭董浦新居分咏金瀾酒

玉爲膏珠爲汁不抵金漿滿壺挹三人莫欠明月邀一  
川須作長鯨吸先朝法酒賢聖稱銀餅賜出雙龍升封  
開黃紙香散席洞庭波溢琉璃澄此美百年能幾遇麴  
生懶向青州住灑海杯乾滄變速吸江口在潮來暮擁  
絮開爐今夕偶寒燈照殘不辭手醉倒膏騰百不知金  
運消亡說何有周麟之海陵集云金瀾者金運其將闌也明朝酒復仗君沾澆書  
不定金瀾需但視門闌喜氣殊尙得雨露傳 官壺

次韻金質夫過飲

得馬亡羊事莫關且從杯底借紅顏客憲祇仗友生樂  
塵海尙餘吾輩閒喜誌燈花垂眼纈寒侵人影出肩山

貧厨酒盡言無盡脫略何須狂語刪

湯婆子聯句

湯媪范錫成戴廷熺綸掌利用異鼎鑊質符坤永貞汪  
沈西顥名媿巽初索皤然腹彭亨金文淳質夫宛爾肩  
戍削竅上犀口緘晴江砥下夔足斫旁無獸環垂綸掌  
頂有螺髻著混沌失舂蛾西顥允澤謝面藥居下適陰  
義質夫爲爨協時若外礪金性堅晴江內涵水德弱朔  
氣戒頑冬綸掌霜信入重幕獨客寡所依西顥單棲每  
不樂悽劇號寒蟲質夫凍憐警露鶴宵長鷺足拳晴江  
夢短蝶羽却駮疥忽到踵綸掌蓋戾漸如斲朴握爨莫  
邀西顥辟邪香易鑠愛茲廓能容質夫昵汝重可託飲

以百沸泉晴江裹以千絲橐熨體同衾綢綸掌橫陳附  
履屨相傍何蘊隆西顥相偎免焦灼微陽欲透繭質夫  
奇溫匪隔膜美睡勝蒙頭晴江沉酣抵軟脚婦姑戡勃  
谿綸掌法喜伴恬漠客遠昵枕嫌西顥兒防踏被惡轉  
側便醉鄉質夫挹注授僮約老忘燕玉需晴江遠任驪  
泉涸溫柔縱難兼綸掌貞靜已能畧鉛淚制不流西顥  
金銘擬無忤欵傾伏本盈質夫缺窳慮在薄紈扇遭棄  
捐晴江竹奴悲冷落策勲薦牀牀綸掌怙寵戒莫莫三  
沐三薰纔西顥一詠一觴各蟄戶快合并質夫炙硯供  
笑噓聯吟繼前修晴江涪翁斐然作綸掌

家書至述杭兒近狀寄內四首

別尙呱呱泣踉蹌又越門食牛餘猛氣跨竈得傳言好  
譽成予癖能慈仗爾恩養兒同養術所貴葆真元  
怎降黃犢健欄楯費周遮梨栗搜當與之無識便嘉聰  
明觀踣跳歡喜任咿啞但爾支持久誰憐病體加時內子病  
艱難逢一索愛視掌中珠斷乳休辭媪祈星莫信巫性  
情防是縱衣食檢寧羸更問明年狀村師可就無  
人意何從慰徒教屢過庭膝虛愧懷祖面垢想添丁見  
尙疑生客歸須換弱齡燈前尙閒話爲說我容形

寒夜與吳中林通守沈旼叔編修查蓮坡孝廉

汪西顥徵士陳江臬上舍陸賓之庶常集杭堇

浦無畏室通守首作禪語分韻繼之

落落海上漚同此大覺憑愛憂生輾轉身毛常豎騰盍  
飲般若湯作戲隨塲登毗耶老居士精室完樞繩經冬  
結詩制慶臍牽吟朋大家團樂頭半座喜暫升律寬香  
火社事淡雲水僧醍醐酒同卮禪悅飽不勝我來投坐  
具戀此三宿曾窺牀貝遮眼擁衲涕垂膺想覓句呈佛  
罔顧口毒興宗雷大禪將先顯智力能清詞傳雪竇妙  
響聞迦陵吁嗟達摩規文字非所矜宗彼廣長舌綺語  
要痛懲轉慮百想斷頑空亦下乘法華自有豔義海寧  
徒澄倘假鈍根斬猶看慧業增低頭撥深火公案翻層  
層一笑窻月白早懸無盡燈

上元後二日飲金以寧伯仲所分賦

珍重趨君約齋頭禮數寬愛談忘夜警得酒傲春寒白  
月待歸路清時閒內官餘杯慙小戶雷取隔朝歡

明贈光祿少卿陳睢兵巡道隴西關嶽華先生

忠蹟詩

并序

先生諱永傑字人孟流賊犯陳睢屢戰告捷賊慕其  
英武希招致之先生叱斬其使賊憤甚糾壯騎環攻  
持九晝夜糧竭兵憊及于難明崇禎壬午三月十二  
日事也疏陳郵贈 國朝爲之建祠

思陵末造乾鼎沸狼烟鬼火接封燼米脂眇賊黃巾魁  
西擾三秦南逼魏紛紛軒冕狐兔羣孽伏不假合圍費  
先生壯繆之子孫平時高節百鬼畏誓伸隻手挽銀河

寢不解甲食忘味烝土已曾堅戍堠殺妾尙將足軍餽  
洵然狂寇被摧磨憊矣殘兵勤撫慰甘言無忌敢嘵嘵  
陡看背裂鬚磔蝟博人窮獸利牙爪蔽空孽豸蒸蝗蜚  
匡城血戰九宵連羽鏑交馳動精緯庚癸無靈丙丁熾  
妖墓勢逞月蝕旣常山舌在厲聲高熱血當原瀝肝胃  
生無能報死當償却敵鬼雄魂魄毅此言昔覩昌黎文  
紙上于今見生氣張巡饗士許罵賊睢陽今古事髣髴  
騎星天上共頡頏授職艷宮欣集彙豐碑傑宇表千秋  
絃歌臺側薤榛卉墓在絃歌臺嗚呼人身輕重蓋棺分一死視  
君九鼎貴

李宸妃粧臺

獨有粧臺在同時故物稀歸然如魯殿遺事說金妃逝  
水成今古閒花綰是非已沉臺畔月曾否日邊依一月日邊明妃

對金章  
宗句

以龍井茶分餉吳東壁杭堇浦媵以詩

蟄雷響空山萬卉謝采劄獨有玉茗芽微芒透勾甲娃  
鬟纖指爪聽鼓共晨招貢新首方物千里輕一雲南山  
舊禪侶念客久渴乏遠餉京洛道窮裹幾重夾急欲付  
寒鐙點試魚眼眨添薪仰松椽遞水做茗雪料理三日  
忙兔殘始一呷清風習習生何用把蒲筍微熏中倦體  
攤牀自齟齬夢魂轉顛倒宛聞空腹喋日昔共鄉里與  
君素馴狎屢邀青州居未嫌鬲上陜如何三載瞥十斛

塵堆壓不聞種菜園踏破本羊腴非類并相仇勢成小  
敵怯醒來記斯語失笑捧胸脇轉念吾邦美靈秀毓川  
峽芳木擅聲聞僅叨餘氣洽豈無大雅羣配此清絕業  
二公屈指最道詣出塵劫腹中貯何有琳琅萬編插試  
移茗椀對況味較來恰一匳遂平破親題五雲押詰朝  
遣銀鹿兩手分路扱寶劍贈烈士庶免悲龍匣想捧潞  
公斃不買劉生鍾即律楚材詩長笑劉伶不識茶胡爲買鍾漫隨車精意驗乳花雅具  
備火筴關門抱膝餘甌影動白恰百脈導津潤春冰釋  
官闈報章如俯投請示滌胃法

過周蘭坡翰林齋出移居詩索和次韻八首

虛舟不繫任西東又僦閒坊等寓公白犬丹雞隨杖後

殘書秃管簸車中天閑已繼追風驃小泊還成踏雪鴻  
集向上林爭選樹較來難獲一枝同

淨闢階蕪掃席塵空堂蕭瑟忽成春寫圖絕異村夫子  
鑿室豈如農丈人賀獻上尊從事酒來參末座客卿賓  
琴書几杖都隨分瀟灑還供見在身

青雲蹤跡分無乖易地相宜得願皆舊居讓齊次風翰林比向吾廬

眞倍勝添將話柄亦殊佳兩邊共祭陰侯竈三次會更

杜老齋寓已徙他日詔攜家具入省中同對藥翻階

向陽百卉曙先暎半畝林塘長舊蓀書帶尙看遺夙種

其新居會爲鄭筠谷先生居草窻應不翦青痕地靈祇被英賢占室陋唯

因道德尊越水更知堂構古遠傳經業付仍昆

穀鯨車驅四路交一時齊卷衲僧包

時鄭筠谷阮裴園陳句山金以寧質夫俱有移

居之

舉三春柳煖鸞遷谷百尺桐修鳳定巢嘉樹因緣明

府乞新詩唱和小胥鈔但憐問字人難識一一憑誰指

市梢

宣武城南喜並居官行振羽白春耨清陰駱驛瞻衡宇

虛禮芟除話爾予地脈宛分同汲井壁光相鑿對翻書

循墻昕夕抽身便蠻榼招攜門飲儲

薄材無分近巖廊欲往從之道路長瑟縮漸教心就懶

賤貧安得語生香諸公家是鳴珂里故國春如碎錦坊

進退恍成籬下觸綠尊青鏡負年芳

隨地風花別溷茵追從未及鏡湖濱到門不散王生髮

把臂猶看孟氏鄰薄海交遊嗟我晚名山著作擬君倫

翰林題余郊居圖有著作名山業句

何當買宅輸千萬移傍高齋奉後塵

偕汪西顥徵士周心羅明經吳季調金聞石兩

上舍至太學觀石鼓

石刻三代遺獨數岐陽鼓歐陽永叔始三疑聚訟紛紛

費覩縷羸秦宇文兩說最無稽其餘尙足資採取有若

董卣程大昌引據育史歸成王王歸自奄蒐岐陽此說

未得為荒唐後人過信韓蘓二公說往往擯棄此一切

千秋誰具隻眼人安得驟將疑獄決小長蘆釣師搜括

舊聞靡缺遺金麩玉屑悉完聚足令十鼓增光儀余來

日下三年茲未得一覩法物心鬱伊手此一卷卧勿離

參同較異覓正本丐貸不吝酒百瓶偶從吳君得口授  
讀自秘府無人窺遺珠收拾二十有餘顆所聞所見皆  
異辭吳東壁先生於三禮館閣承樂大典所載石鼓事蹟有目下舊聞未收錄者二十餘條余益他書所見爲石鼓補錄一卷亟呼小胥  
謄手彙研就丹黃夜親校搬薑積米旋倍之將以屏當  
刷梨棗更思廣輯諸家音釋文發凡起例如班表今日  
幸從諸公後摩挲不負此兩手吾欲拓之歸鈎摹完字  
列表首癡生好事固爾然邗慮世間先有珊瑚鐵網珍  
珠船

偕蔡雪鴻處士出沙河門爲友人覓其先觀

徑仄停車遠彎多請路頻風聲啼怪鳥樹影立長人駁  
穴狐羣竄尋碑字跡湮若敖差免餒吾敢憚艱辛

出西直門小憩高粱河畔

出郭不數武喧寂頓殊隔清冬亦近尋不待冶春屐齊  
園蹟已荒一川快實獲葭收水徑寬清楚劃梁石凭闌  
俯藍浪高柳影如戟儵魚識早寒攢沙每什佰徵詩証  
孔昭平鏡湛空碧茲河乏上源諺語想曩昔見水經注原土  
雜沮洳隱散玉泉脉沿流欲深討款段復前策

自廣通寺取道過門頭村

精藍占崇基架構煥且儼丹門俯大道佳境入已漸風  
葉落滿頭作態尙磨颭林空渺棲匿突出烟幾點大小  
同肩排好醜各着斂黏空雲氣微碧色妙渲染昏疲兩  
破忘筋力殉所慊平生慕隩區得路正西崦門頭第幾

無不宜齋  
村載筆先點檢門頭村爲西山門徑袁宏道有先問門頭第幾村句閉戶養腰脚再來踰絕險

欲至海淀訪周元木不果

出山仍住山君與山有素嘆我塵土人不識山前路

小隱園燈詞爲杭堇浦賦

雅意從來得未曾元宵佳話此新增綵棚繡幄全無用一樹梅花一盞燈

清詞同鬪調頻翻關住春光獨滿園多事酒旗歌板地魚龍曼衍苦喧煩

冰池倒影薄銀紗槭樹無春也著花頗笑月娥佳思短鯨膏未盡影先斜

酒缸映動吠琉璃街鼓鼕鼕醉不辭髣髴家園舊風景沙河塘上夜歸時

冰糖聯句

勁質出蔗田汪沆西顥取象覩凝冽迢迢閩海造柯一騰南墀津津頤堂說初擬醅牀壓晴江漸作鹵盤結織刀刮白沙許峻標聖裁重羅篩素屑惟渙授以萃西顥含貞發其烈峻嶒鬱寒塊南墀廉厲守甘節或大若拳鉤晴江或銳如角凸或同鬼斧皴聖裁或抵鶩肪截勻或散擣菹西顥碎或零秣藁幽光艷明璃南墀剛影劃精鐵凝峴池醴泉晴江配隙山甜雪凌堪千歲藏聖裁凍豈六月輟熱中陰火潛西顥和懷冬柄竊完堅出素



坊南墀致遠絡黃篋共逐餽簫賣晴江遠勝蜜脾切雕  
盤雜羅釘聖裁髻兒恣攫掇饑同饑鹿舐西顥粲效寒  
鼠齧爽嚙過梨頭南墀微含等鷄舌釋口見澌流晴江  
磕齒愁屐折惺忪曉霜踐聖裁臍膊春池裂辨字齟頻  
抵西顥嘗攬味徐咽乾唇轉渴煩南墀病肺漸疏泄煮  
石訝同功晴江餐玉妙齊訣法惟貞觀始聖裁貢乃揭  
陀列煎霜術已奇西顥熬冰意尤別窮工創新美南墀  
聚物養饗盞盍簪飴有戒晴江呵硯凍方埒鏤刻無用  
辭聖裁願補誠齋缺西顥

蘆草園查氏別業聽雨偕汪西顥作

拖泥閒就白扉敲應免詞人舊雨嘲竹屋儼如舟底坐

瓶笙轉向耳邊交征衣暫得消蓬塊故蹟還疑響荻梢  
今閱已商略新詩愁未穩農謳先已遍春郊

春闈榜後偶作八言十韻東姚舜馨毛睿中

君不用頻擊玉唾壺亦不用改調齊門竽但得與君鬪  
十日飲同作高陽市上酒徒拔盡抑塞磊落志氣闢開  
豐麗博敞軌塗人生失意事常八九買臣主父偃亦饑  
驅終能以功名取富貴豈竟沒沒作栖山夫芙蓉振秀  
在秋江上安得與桃李爭榮枯莊生謂鵬以六月息仍  
奮九萬里而南圖天生材豈置無用地特不欲輕出其  
魁殊器固以晚成爲可貴不見豫章之與蒲盧予未拾  
一芥且作達君何爲是栖栖者乎

李陽冰仙都篆石歌并序

仙都獨峰相傳軒轅氏上昇處唐李監合縉雲時篆  
黃帝祠宇四大字樹之碑祠毀碑失久矣茗溪鄭冠  
三爲學博得之叢棘中徙貯黌宮作詩以美之

古來神物多中晦精英蓄秘如有待响嘯碑埋還自出  
陳倉鼓散久仍會真人詎肯炫珍奇健者初能扶幽闕  
陽冰篆室抵頡籀筆虎鴻聲駕斯蔡不逞俗書換白鷺  
相傳遺跡等金薤仙都山拱雲霄出軒轅氏畱祠宇在  
攀髯莫挽騎龍速走筆尙見蟠螭大塵苔侵蝕幾經秋  
雷霆呵護幸不壞顛末未遣圖經傳款識亦遺碑日載  
空谷何人赴足曾茗溪博士好古最披榛附葛履山腰

剔土爬沙破天械蚪蚪經從家學古

李陽冰家有蚪蚪孝經見趙次公蘓詩注癸巳

刻看文數配杈枒老樹盤硬枝鬱律長蛟走生態傳摹  
豈惜墨千挺寶重休誇珠百琲繩牽毳裘昇移轉簷深  
礎緻嚴護蓋千秋永作膠墻鎮終朝喜與髦士對君家  
餘慶擅大力昔日鳳翔表佳話石鼓置孔廟自鄭餘慶始後先追合古  
情深遠近稱傳盛事再鄉邦不至千里隔紙本未得五  
都賣何當隨子躡雲根摩挲一盡平生快

分賦得秋柳送許靜岩孝廉之保陽

一夜吟羌笛淒涼不可聽人情關別酒鴉影接長亭悴  
葉攀都盡征鞍去不停西風轉搖落盼望眼難青

禁體咏雪用東坡聚星堂韵

無不宜齋  
重雲凍合不分葉，罡風鍊雨暮成雪。霏微數點吹未覺，顛倒滿空來不絕。充哇占壤失坳竅，累砌加簷隨曲折。犬聲吠巷狂亦喜，馬蹟翻泥過旋滅。積團漸重忽并墮，斜點欲來仍反掣。紛紛互鬪逞威稜，一一詳看裁細纈。潔身方幸我非孤，擇地誰知爾未屑。關門任打竹聲頻，登樓怪換山形瞥。方圓無定却齊輝，茵溷胥安不虛說。小堂僵卧獨推思，一任夜寒衾似鐵。

曉起雪止再用前韻

夜蟬行沙蠶齧葉，淅淅聲龕駐。勻雪朝來俯仰，但一照。挾背平原叫曠絕，寒花逞姣態。橫陳穉竹學恭，腰屈折。冷壓厨烟濕不起，淨奪山嵐微欲滅。遠人著屐路新斫。

密座垂簾風屢掣，但恐斑痕化愁鬢。卻愛晴光除醉纈，半壁猶然聚完塊。一林忽自散餘屑，冷尋未厭驢背苦。久滯翻憐鴻爪瞥，收藏試遣家童掃。占驗頗聞鄰老說，十斛憑將澡毒塵。歸向春田理耕鐵。

鞏華城

駐蹕先朝事蒼涼，見暮城殘陽。棲仄影冷雁截虛聲路，轉河流合林疎。客眼明流連多古思，下馬且停征。

炙研

酸吟蟄冬房風罅，透餘冽山骨。本寒凜斲破氣，猶桀鱗鱗。霰影攢庚庚龜紋裂，駮手已籤排宣鋒。亦椎結才乏元康敏，宵諷耻中輟。官租與束薪舊意間，嘗竊爐頭堆。

品字火攻令中熱墨花粲騰騰益氣盜春洩奔筆赴涓  
池淋漓暢點振掀唇勞十嬪轉笑呵穎拙

消寒社分賦得熊白

食蛙愁太瘦聊用進肥黏酒定鶯黃配  
東坡詩洗盞酌鶯黃磨刀切熊白 珍  
惟象白兼點酥餘手膩割玉趁刀織一嚮嘗猶分何勞  
問典籤

長至日看象聯句用昌黎陸渾山火韻

緹室葭動夜氣渾王任湖具區大祀遠溯萬物源吳廷  
華東壁閭闔詖蕩雲脚吞戴廷熺綸掌華蓋羽璠金根  
軒杭世駿董浦園邱燄燄初柴燔金焜以寧訾黃蹠蹠  
彌平原陳兆崙句山五象厯蹙陵厚坤金姓雨叔屹然

嶽立絕鄂垠金文淳質夫樞光星朗勾陳垣周天度心  
羅珠纓寶絡排黃門蔣和寧用安文罽十色輝朝瞰陳  
滋長鄉蠻奴下上捷騰猿劉星煒映榆詭體皴駁蹲疥  
龍晴江闊行大步舒翔鷗翟廷法補堂天衢緩駕靜不  
奔張蕓東田氣壓百獸形模尊具區吉雲跌坐甲鹿園  
東壁金瓶崑背萬寶繁綸掌萬目環注萬口喧董浦山  
移次第儷篋塤以寧招搖連蜷旂燔句山垂鼻宛宛  
竿揭禪雨叔陰虹怒決連尻臀質夫黃朱纂羅與轆軒  
心羅飲飛夾馳紛橐鞬用安香陰砑隱來雲轡長卿豐  
隆駐節靈旂帟映榆射牛虔瘞無歸膳晴江獨爾蠢蠢  
猶陵屯補堂巨迹深隱龍負盆東田鑄形轆園儕犧罍

具區駢闐肉陣高言言東壁睢盱却走人海翻綸掌大  
旨欲挽陽和反菟浦頑皮矚動兩目暖以寧五丁分行  
鞭雲根句山左右傲睨無龍孫雨叔千氣萬力集趾跟  
質夫度支月廩咸 帝恩心羅六牙珂雪墳厥元用安  
峨峨腰脊愁攀援長鄉巴蛇赤螳胡足論映榆闐然直  
入摩高閣晴江頽壤侈剝撐痕補堂元尊般裔虔心  
魂東田靈寢震澹消煩寃具區帝釋調馭威神存東壁  
甘蕉都蔗供噍噍綸掌玉河沒浪從姘婚菟浦萬里底  
貢傳滇昆以寧卸墀拜舞當關蹲句山莫教狂舞如崩  
騫雨叔扁鐻石室勿復怨質夫圖南肯羨移海鯤心羅  
宸居崇衛依崑崙用安章溝嚴署番朝昏長卿燿火蘊

燎蕭炳焚映榆侍祠歲舉匪數煩晴江雄詞擬鑄宛鼎  
捫補堂

雪中集紅泉館送汪西顥之福州周心羅之淮

安聯句

朔雪氣莽蒼封徑不可彗穿林見屐痕打門故驚睡杭  
世駿菟浦噤瘁到毛髮沾濕在帟帔穆穆如有思卒卒  
何所爲王任湖具區近別不知愁遠別心煩熾執手黯  
不言錄別在取醉汪沈西顥命庖潔羞尊戒客後先至  
清歡期永夕雜坐語無次周天度心羅賡續八能士紛  
綸五經笥蘭蓀抱奇芬韋絃取幽費周大樞元木卓犖  
無近情俯仰多古意百觚恣喧騰丈室傳清闕趙賢端

人積素照虛襟紛麻雜離思融情發丹府寒氣遠相避  
晴江燭跋請更難尊空尙容市顛倒沒杯棹瑣碎乞鹽  
豉翟廷法補堂南烹洵堪珍異味不難致方言見鄉情  
雅合徵僻事革浦談豪餘可賈理妙近取譬懽悰浩無  
方離懷耿難暨具區感慨恐失時從容起攬轡萬里矜  
壯遊九有竝竑議元木棲埒笑雌伏摩霄學鷹鷲東南  
苦濕腐西北足塵膩端人汗漫隨雲敖荒唐追赤驥  
輪駕三山暫出亦游戲晴江薌淪鳳山茶鮮剝楓亭荔  
禽呼習侏儻詩稟續醜醜西顛河魚昨大上哀鴻滿徐  
泗書生藉刀筆袖手徒呀咽心羅不忝管樂才均負公  
輔器借箸無迂圖叩囊有餘智補堂大材用固難小車

去何駛宁令寄當歸未許嘲遠志元木雲霞友誼高金  
石天情摯杜甫笑老狂魏徵真嫵媚具區先路既有道  
前修尙容企致身期潔清舉足懼顛躓革浦瓠落無所  
容萍跡偶然植柄鑿付方員牽挽任軒輊端人旗亭柳  
尙髡驛路草未翠贈君與送君含情兩不遂晴江妍妍  
美風度翩翩盛書記迢迢歷國都累累煩郵置補堂或  
登劉伶臺或蒞無諸治行營漂母墳縱觀估客肆革浦  
曉烟單舸輕春風片帆利河流盪日光灘聲澈夜寐具  
區遠移一枝巢願孤九州被高會續郾城歸夢結湖寺  
西顛古歡膠漆投雅操熊魚嗜良言互丁寧隱抱各宣  
示心羅身世號寒蟲歲月過隙駒昔爲同隊魚今作分

飛翹端人輪蹄忽齊發燕楚各遙寄群居澹已忘分手  
憬難寘晴江詠調慰羈孤箴切見風義驚心津梁疲矯  
首河山異補堂雲物豁靈襟游觀助奇氣但令水土諳  
毋使心力瘁具區恥上韓愈書懶挾禰衡刺馱行畏友  
朋合德保終始西顥晨鷄豈常暗修軫會一試合離境  
詎常出處事無亟心羅江浦尚楚風凱樂有橫吹莫悲  
行路難獨羨束裝易端人謀能蒐卒乘力可起彫劫作  
奏固在工依人豈爲媿元木入門羞擊裾前席每倒屣  
文章信有神風節庶不墜補堂幕府急羽書河堤蒞朝  
使翳唯慎固防要令息烽燧晴江古賢貴令名吾黨重  
氣類念之增煩悃思子日慘頽葦浦良工歛淬磨大冶

失鉗錘吾過謝不聞嘅焉動深喟具區翰林王國楨流  
覽盡金鑽方將宏遠謨豈慮辱高位西顥孝廉蘊壯猷  
屢挫竟無恙畫理叶元賞文筆實清粹心羅二妙聳天  
骨鉅手壓巽眉思精發神勇才餒輒心悸元木席帽仍  
吾徒羔裘羨彼其追逐雲龍間跌宕優笑地端人蘊靈  
妙結撰杼藻互餉饋硬語聲摩空歷歷皆可識晴江屹  
如高墉言銳如猛擊剝鏘如振韶鈞煥如結珮璫補堂  
五都璠璣陳五音宮商備拳拳見意深刺刺恐辭費葦  
浦冰霜知爾歷風雨不予棄著論尙窮交讀易貞內比  
具區寒聲漸浙瀝夜色失幽邃放慵觸畫屏分光撒鐙  
幟元木饑烏窘踈踈鼠巧窺伺巡檐索枯梅開戶見

僵櫛西顛餘興何飛鸞詞源劇澎滯聊用救饑虛違復  
役文字心羅既非從軍行迴異上瀧吏且爲三年淹底  
用百憂萃晴江臨發仍分岐所惜不連騎溪山多勝情  
去去勿侘儻董浦

風雨走訪杭董浦

不防雲黑過街來坐久旋教借笠回竹外一鷄鳴向晦  
分明詩在不須催

題鄭履坡主事歸去來圖卽送歸里

君之王母我祖姑兩家並住城東隅君先驥躍我蠅附  
兩人並走長安路客居門巷總排連不異江鄉風雨聚  
跳丸出沒電火移越鳥棲側懷南枝我方托意沈約賦

畫郊居圖

君復寄興陶潛辭礬成白絹解烏玦松菊紛披三

徑列柴桑景物宛然呈恰補吳興錢選缺

弁州畫跋錢舜舉畫歸去來辭凡數

本此卷尤古雅第少却三徑就荒松菊猶存一段柴桑景

讀君畫畢爲君期明年二月連騎

歸功名縱爾異得失志願詎必分從違君今得歸輪已  
豨手擎黃帕身著緋視我欲退且籜觸造物不公難謗  
譏明朝誓亦買驢券望君後塵續初願先期寄語錢唐  
湖評花贈爵吾來俱

移居雜詩

自向前頭策蹇驢一人牽犬一擔書先生家具還何有  
枉借東家豕鼻車

倦游粗辦買山貲鱸膾秋風早定期三宿豈無桑下戀



爪痕何苦又輕遺

樞繩牖甕略添修階草垣苔盡可畱但把高樓勤鎖鑰

旅人從古怕登樓新居有樓

誰先解事乞花栽可惜花時我未來多謝墻陰一株棗

玲瓏專待主人開

杜韋門巷傍城南五載棲遲紀短函更得長楊名字好

添將詩話亦殊堪地名長楊弄

依然風土小杭州井脉潛分樹蔭周寄語士衡應發粲

西頭屋轉在東頭俗呼予寓齋曰西翟寓家載清兄住對門呼東翟寓城南諸巷多杭人因名小杭州

天涯聚散本花塵飄撇隨他落溷茵尚有能詩許丁卯

苦相畱戀不嫌貧同寓人各散去惟許聖裁獨畱

### 盛夏苦熱詩以自解

風谷閉火井熾蜥蜴甕封雨不至炎官澹威吁可畏從  
來南方北方涼暑異今年轉變出人意老翁頭白不曾  
經道路暍死紛相繼吾欲向深山逃轉憚路迢遙吾欲  
用寒泉澆復少人擔挑曉來卧地直至宵夜裡揮扇又  
連朝屏闌窻几榻寸寸如煎燒解衣已類裸人國流汗  
霹靂徧體成腥臊閣閣銅盞響聲聲耳根入不是飲冰  
難濟急昨日一錢今累十街鄰又有言明朝凌空將不  
給斯時出亦愁入亦愁既類涸轍之鮒又似喘月之牛  
推窻但覩赤日午掃地爲祝金風秋清涼之術究何求  
吁嗟乎澄水帛招涼珠含風袍北風圖希世寶物安得

歸吾徒請君釋躁聆歌呼吾徒雖病病易蘓耕者在野  
負者在塗當天日頭烙其膚綠楊下忍耽須臾樂莫樂  
公侯孤冠裳役尙禮法拘吾徒上之不著朱與紫下之  
不執耒與耜終朝鍵戶良其趾樹底簾櫳易移晷左浮  
瓜右沈李搖鷺褭淪鷹紫人生知足爲佳耳妄生嗟怨  
殊過矣

金慎齋比部出關圖

萬歲龍蟠地山河控勢雄明駝宵卧雪健鶻曉呼風樹  
斷天關出沙平地界空未能乘一障枉自嘆途窮

過馬市

昔聞短長書冀北地多馬結市混千蹄充牣首函夏驪

駱駝驢騾赤白兼黃赭馬質務矜銜策試少嫻雅粗堪  
羈勒施屢急鞭箠打販夫及豪僕瞠目任取舍良蹇究  
何得養棘舍梧櫝可惜天驥材伏櫪但啞啞權鬣闇三  
花筋骨瘦一把昂頭欲噴訴恐類金躍冶步遲氣凋喪  
頓出駑駘下市梢三旦立見棄若土苴涓人不可作識  
者久已寡胡不捐棧豆踇跳大樂野予無增價力還顧  
亦聊且彼士尙宜然爲之一淚灑

曉枕偶占

二十五點漏殘一百八聲鐘起黑甜樂在其中黃妳味  
不及此

觀潮圖爲錢江聲上舍題

君家尙父雄南邦親鸞强弩犇龍降靈潮掉頭不西擊  
沙河舊岸移鐵幢城東一掌著平行鄉鄰陸續興耕耒  
余家世業曲江里與君不越河之疇每逢秋來月魄盛  
海門激射雷砰薛風旗萬道驕馬佚雪山千尺神鰲扛  
高原置酒挾遠皆大觀屈數無能雙卽今拋撇五六載  
耳底尙覺鳴琤琫偶然客舍百無事倚牀坐話秋荷釘  
君因發篋出絹素淋漓滿幅驚湍瀧家鄉絕景宛在目  
各惹歸思縈心腔終南山翁不可值安得頃刻乘飛艘  
蒲帆十幅君早辨江樓及拓玲瓏窻甫里送迎辭自麗  
羅刹奔突神應懽金隄千丈田百頃微禹豈不遭衝撞  
操觚勤述遠祖德補入歐史揚豐龐我歸尙擬作箋注

君試期我錢唐江

消寒社詠史分得蕭梁

樊鄧高呼振八戎新林一舉執梅蟲大裘素輦規模遠  
建鼓縣鐘粉飾工詔許贖金三就釋函陳謗木九關通  
秣陵王業偏安後文教居然數大同

居高未肯愛河捐梵住何能繼八禪宗廟爽靈除血食  
公卿蒙辱議身錢頻看法會無遮設普製金經大品傳  
底事長干新塢建轉教魔火化烽烟

掘尾狂獃肆毒淫青絲白馬壽陽臨圍城賦但尤朱异  
啟事封當憶賀琛森騎突馳蔬圃爛雄藩高坐羽書沉  
淨居殿裏蜂脾絕了却平生未捨心

元圃風流冠省闈諸郎文采並清輝六通才艷吟宮體  
一目形殘識布衣進罷黃囊吞土驗囚來烏幔脫冠非  
轉畱餘運成高讓持較巴陵事不違

無不宜齋未定稟

卷三



仁和翟灝晴江

柳德洋供奉給假歸養出負米圖索題

親在不遠游我讀孔論早胡復千里行日惟志揚表斯  
言豈云謬貽誤迺非小白雲起蓬蓬華年過草草承觴  
樂已虧捧檄音仍杳我心何憤憤七載憺方了達哉河  
東子首觸尾隨掉行瞻青雲遙坐念白髮老陳情師李  
密遺羹淑穎考家庭百善本純行如君少况能激我心  
爲我樹前薰蘭咳氣味同那得不傾倒明將戒行李接  
翅首風鳥

庭樹著花寥寥數朵詩示同寓諸子

入門纔見影婆娑預擬花前一醉歌尚值今宵堪自慰  
漫嫌春色太無多茅垣頓覺除寒陋塵眼須教甃刮磨  
待得明年開爛熳不知踪蹟又如何

題吳東壁梅屋勘經圖

離騷忘却梅姑第勿深議皇皇甲庫書梅花並遺置焦  
氏亦有言折枝及零蒂易理僅旁叅未足補爰繫書詩  
禮春秋時或見一二和羹商鼎用標期召南識加籩桃  
並掌作胥李同記言梅但言實言花則猶未幽芳詎無  
取乃爲聖賢棄先生擁遺經小屋擅清闕屋內萬編齊  
屋外萬花萃疎影立亭亭寒夜伴無寐研朱事勘點草  
木不遺細將何作解嘲令彼聲價貴吾聞梅與杏轉變

由地氣

梅至北方則變而成杏故北人無識梅者捫蝨新語云

櫛橘不踰淮斯理乃一致

先王辨九州荆揚畫南至庾嶺羅浮山版籍不曾隸蠻  
鄉烟雪深寂寞語生翠孤花自開落驛使無從寄嘉實  
載羣經恐亦異族類爾雅釋梅三曰枏英與檠一一考  
名狀皆非今所謂總之古聖賢多在江北地南枝未經  
見遺却直閒事斯言雖淺近或可析疑義

歸計旣成寫懷

出門多蹭蹬回首獨嗟歛世路同今古予心覺是非悲  
生元錫鏡計在綠蓑衣塵髻雖如此抽身道未違

甲乙從頭數羈縻四十周

雜家來凡閱日四甲子

悲歌習燕趙愧色

驗金裘壯歲艱難識清名倔彊畱誰教成大錯欲怨渺

無由

捧檄從前志輕豪未細論窮愁堅信命疾痛遠呼親刻  
鵠寧容拙供熬漫厭貧到家問何有賺得兩鞦韆

涿州詠懷古蹟

勁氣稟幽燕開天皇用武至今畫竿旗肅肅捲沙雨  
涿鹿城

寥寥清徽音遠隨流水去潔齋尚可期赤鯉想同踞  
高祠

美人歌以泣酒盡壯心死空負樊將軍荆卿亦豎子  
華陽臺

樓桑尚有村桑乾復有河滄桑未變易闌絕採桑歌  
樓

桑村

元魏酈道元村名千古在吾何北首路桑梓白雲外  
酈村

寶羣五兄弟清辭珠貫串老子真癡頑科名特誇羨  
寶禹鈞墓

鄭州旅舍見吳山女史翠娟題壁

吳山女史題詩處生長明妃舊日村馬上琵琶牆上字  
一般哀怨向誰論

苦水舖

回鶻居無次神仙過亦傷  
明詩綜諺苦水舖神仙過雷筒布 土風仍惡劣客

子戒周防棧舍傾愚酒烟餐燂大羊  
吏禁宰牛俗作度語為大羊 此生那

可慣貧好在家鄉

荏平旅次

旦發津期河暮向荏平宿蕭蕭白楊風土坵冷寒粥入  
門呼盥盆塵沙困耳目墮體折足床孤燈照反復蓬纓  
蝨猥流爬搔無怨肉妖狐踏竹門疲馬嘶檻屋披衣待  
明發月色淡西陸僕夫爾何方草中自斲熟

東阿道上有新碑曰西楚霸王墓學博張昉初

題詩碑陰和韵三首

入關南面已稱孤衣錦行鄉異故吾學術信成天下敵  
史書猶嘆古來無焚秦未便懷畱志釋沛何曾損壯圖  
一自鴻溝分界後退齋強敵訝非夫

路失陰陵勢已孤仰天空自嘆亡吾羣從赤帝重圍合  
長棄烏騅一騎無七十戰經嗟北逐八千軍喪恥東圖  
如何兵法精形勢見給江濱老穡夫

漢藝文志兵形勢十  
一家有項王一篇

百尺塵埋壯氣孤千年碧血蝕昆吾長陵亦罷四時獻  
漢業同歸寸土無楚些有歌臯未復虞兮非草蔓誰圖  
空山風雨深秋夜奔突如驅十萬夫

嶧山

山何擅嶧名石子累相屬補天殘片女媧拋碎空折柱  
共工觸千丸萬礮聚成峯骨立嶮岼絕土肉落星到地  
勢猶飛鱗角羣羊叱不歸五丁日夜動鞭擊漸與岱嶽  
爭峩巍岱嶽天下尊齊魯青不止長河橫斷復孤騫一



脈重看此山起遙遙共走中條龍不期仰止推前峯却  
立何妨任其亞統率堆阜朝真宗神山恍惚不可詰退  
置海外何敢從扶輿位設固非偶不見微言逢折剖巖  
巖氣象嶧山鍾薪傳獨繼東山叟

曲梁待聞

延頸空勞堠鷺迎橫梁咫尺渺難行客心不及南流水  
卧聽終宵下閭聲

桃源

聽茲名字好撫棹若爲情市倚半湖水隄遮一面城高  
艘平瓦過連筏帶沙撐無用尋溪入荒蘆接遠程

漂母祠

蕭滕初未識先得婦人知一盞王孫飯千秋漂母祠王  
孫仍可憐血向鐘室濺始終一婦人畢此英雄傳

瓜步放舟沿眺金焦諸山

片片風帆引暮晴暗潮初落鏡光平低舷近逼鼉鼉宅  
急艣爭喧鷺鷺聲波帶鷗眠流浩蕩山憑龍負出枝撐  
江天好在誰棲隱千載惟傳漢姓名

楓橋晚泊

壞塢遠燈明寂寥鐘未杵獨吟張繼詩待証歐陽語

夜半非  
鳴鐘時

鶯脰湖

泊宅邨中客陂門里下人相依爲老伴得計可終身碧

浪驅言鴨紅燈網鱗底須愁鐵面平地亦驚神

湖有風波之險

俗謂之鶯鐵面

### 抵家喜新居落成

載望衡茅喜氣加入門誤走笑哇哇不知井竈成新客  
不作堂基仗阿耶流水小橋詩世界青桑綠竹隱生涯  
招攜兄弟浴邨看老屋離來有幾家

### 過臨平安隱寺觀安平寶幢刻文

并序

唐大中十四年正月建宋天禧二年六月紹興三十  
年五月二次重修二級以上周鑄陀羅尼經吳郡陸  
弘正書初級題識歲月及建幢因緣列施主姓名百  
餘

扁舟漾夷猶麥風代槳力掠帆古寺下借便事游陟入

門泉鏡寒乍使海眼識髯蘇碑不存摹手陋且劣

東坡題安平泉

詩鑿開海眼知何代種出菱花不計年舊有手書石刻今亡明末沈一先別摹勒石石幢規制雄龍柱唐所植

龍柱見刻文神功載扶樹初願著深刻草草歲月存信史較訛

忒豈是桃源民不知魏晉國

按史大中止十三年明年改元咸通

瑣細輸錢幣

殷勤乞庇翊老五四三孃一一小名勒

題名以宗慶首其孫男曰老五孫女曰四三孃

辭質可勝文照眼增古色氈椎卒莫供僧房喚筆墨繞

讀三匝過傳抄一紙得懷哉仙李枝世運幾興革石鑿

駝峯摧草葳鼎湖塞

蔡京葬父臨平山及京敗或謂此為駝飲海勢行下本路鑿破之詳癸辛雜志鼎湖即臨平湖自唐

以來多被侵作田蕩此獨未傾移卓立七級直流連晷屢移松林黯

然黑回舟煮新泉白月吐山肋

沙河隄晚眺

近看惟水遠成烟烟氣空濛上薄天一線巧將霞氣劃  
天工不許水粘連

聚飲蘭陵書屋

傾杯豈必定醇醲開筵何用盡珍美吾家市遠急難謀  
此日熱竒渴欲死石橋東邊懸稻穰生酒新筍白如水  
懦性頗與炎蒸宜入口瓊漿寒沁齒舊年兒子養花雞  
昨日鄰家殺肥豕水莊偶問得魚蝦園父相謀摘瓜李  
主賓一笑坐團圞誓醉如泥呼不起解衣脫帽未猜嫌  
戰拇藏鈎各隨喜池中碧筍可代盞樹上清蟬還韻耳  
几簞雖污君莫笑餅壘不罄吾何耻七賢八達莫依稀

圖醉堯民毋乃是

金江聲觀察杭堇浦翰林招入南屏詩社四韻

代答

西笑徒餘樂事聞荒棲遙隔一程雲更多俗務不稱意  
定少清詞難報君曾許入林忘齒算敢因乏酒皺眉紋  
襟情濩落能垂惜放鯉時兼赤玉文

宿萬松嶺

山游蹇衛疲日夕駐南嶺花堂一榻借塵局萬慮屏飛  
蚊繞鬢鳴已寐復微憬檐風挾巨響吹送毛髮冷常嫌  
嶺上松摧殘移昔景何來卷壑聲夜半矜豪猛旁徨起  
攬衣海月懸金餅寂寂寒林疎遙江走潮影

夢兒亭懷古

空亭儼展靈鷲羽名傳夢謝厥事古錢唐山人杜明浦  
夜夢童子慧而嫵是夕靈運誕初乳啣未辨失迺怙  
攜來杜氏資鞠撫淹留倏忽年十五一帆東渡旋故土  
亭遺客兒名所取不信更閱蓮花塢翻經臺荒存柱礎  
詳察厥事理或迕信史闕如人莫補劉生異苑特覩縷  
亭闌摧剝幾風雨客兒去後誰其主

揚嘉橋望臯亭山積雪

山頭雪霽挑鬟列水際人閑負手行銀島玉樓何處是  
里門未出足幽情

惜他粉筆渲彈處尚隔平疇十里偏專待雪消春水長

流雲一直到橋邊

汪西顥苔花老屋分韻

轉覺書廬古階苔疊似錢屐香新雨後簾絲晚晴天潘  
岳鬢難並江淹賦獨傳借合沽酒得我輩更陶然

春日閑居

落落難逢舊酒人情知春好且孤春階前蝴蝶不相識  
闖到居然入幕賓

草塘辨利院觀宋刻石幢

苔痕鏽澀青入骨高不抵身冒一椽周遭七面蛟鼉文  
皇宋淳熙識年月當時白雁東南來空王舊宅飛劫灰  
斯幢未置藥义守胡獨不克磨刀材惟物伏現盡如此

周鼎會聞淪泗水葑須羃歷蛤聲荒二百餘年溷泥滓  
幽奇欲動歎白毫夜深光燭檀林高村鄰貽愕元珠出  
泯沒爭學洵鶯洵确然捫著重不舉百夫合力挽邪許  
出水峻峻頑石頭相顧胡盧散如雨天台老宿飛錫臨  
對此寶重齊球琳再湔再祓認書勢証是前朝獅子林  
既新法席掃蓁磷 迎幢便作三門鎮自明隆慶迄今  
茲屹立禪階山骨峻不見南朝梵刹如排籤時移幾復  
畱緗縑賢師訥師托不朽載乘堪補咸淳潛辨利建置因緣  
惟咸淳臨安志  
稍詳幢文言淳熙八年德賢禪師初建嘉  
泰元年訥法師請額又咸淳志所未備也吾儕好古耽奇癖但古無  
須論筆畫好濡越紙揭登登藏待他年續金石

安雅軒牡丹盛開集同人用鼂無咎次李秬杜

丹韻

露房昨夜探春回轉荷東風次第催三月逡巡花事過  
一叢繁艷火前開稱詩並擬瑤臺種按譜應呼錦被堆  
自覺衰顏難強對借紅頻喚酒杯來

採桑作俳體

立夏三日開園起桑間擔出如流水明星未落天色蒼  
亞旅相呼走坊里東家葉好臨安青桑名見  
枚翁詩片片滑潤琉

璃形金梯凌空四三丈剪刀錯落聞青冥綠雲卷風地  
半白速祿颯拉手腕迫露水淋漓夾甚拋鳴鳩驚起聲  
格磔東園採罷西園來長筐大簿淋尖堆舉頭看日日  
欲午蠶饑葉萎心交催下梯東擔勢何捷壓上駢肩去

劫劫空林闐寂頓如秋獨看兒童拾泥葉

余出新意為羹命曰逡巡羹止用葵蒲葱韭諸  
菹諒投鹽醋以沸水淪之而已貧厨客至咄嗟  
可辦紀詩以廣其法

鹽豉無勞翠釜烹越甌香點井華清嘉名間竊逡巡酒  
俗味全除汨董羹

東郊晚行

秋容愛夕佳信步越畦畛荒逕少人踪屈曲辨修蚓微  
風來前林楸葉紛以隕高天氣象嚴雲色釀寒緊眼情  
適沙鷗過影疾霜隼度險橋堦危穿幽竹蹊盡閑勞亦  
何為遠被風物引

橫空縱我眼列岫展天末青蒼一幅披秀色不可割中  
有度世人光景坐超忽還欲招之遊山心話饑渴白雲  
來悠然高鴻向空沒

好景不肯常况兹桑榆促村厨爆濕薪烟帛起純束一  
暝萬形齊何由著閑矚巢禽戢動羽途人斷歸躅清豪  
振涼蜚健語共相勗郊路熟可循林黑誤已數賴有流  
螢飛高下閃古綠荒涼興未摧寂靜意偏屬心鏡終澄  
明行吟多所觸

銀輪轉無聲突自林端推沓來清影衆我影亦同來萬  
象復我有眼為今日開落落秋勢迴納納天宇恢溪光  
曳遙帛岫色堆寒灰詩肩聳千尺與月相徘徊

無不宜齋  
寒淺未成霜  
灑灑露如瀉  
芒鞋草間行  
沾漉及兩踝  
到家近猶疑  
喬木認里舍  
鄰機悄已停  
吠犬暮籬罅  
茅叢何處光  
破壁一燈射  
婦功懷土風  
寸晷惜無暇  
向來安眠中  
妙景虛夜夜

陪金江聲遊報國院池上

梵舍畱人眼  
澄沏洗鉢池  
風瀾秋寸寸  
霜葉雨時時  
曠意不在野  
幽情合有詩  
撚髭頻倚樹  
心跡白鷗知

看影戲

雲窻縹緲是  
耶非月窟  
光明舞羽衣  
炫彩應貽羊  
鄴誚釀金共向  
馬頭祈社傳  
繪革流風遠  
周密武林舊事百戲各有社名影戲曰繪革社  
臺羃生綃膩  
燭輝三尺生綃作戲臺僧惠明咏影戲句見夷堅志  
爭說技高同  
五賈村梢

一夜看場園

賈影戲堆賈戲賈街賈偉若南宋時善影戲者

鬲泥

浮綠破春渚  
鬲郎橫輕舸  
雙竹利升降  
刺水不藉篙  
彎環俯腰脊  
對影勤搜撈  
塗泥不可辱  
意氣中流豪  
船頭下力猛  
掀立船尾高  
葑茭苦逼抑  
滾滾吐浮泡  
一舉水花擁  
淋漓瀉濃醪  
本無羨魚志  
偶獲隨逢遭  
芳津數來往  
興劇淘鶯淘  
舡沉低過水  
恬不愁侵撓  
徐移傍淺浦  
置囟改所操  
長杓仰空抒  
歷亂翻渾濤  
得心隨手撥  
撥響林皋  
畦適土性沃  
若陰雨膏糞  
種昔未詳美  
利遺空濠  
愚農解發覆  
坐擁登田毛  
川渠慎蓄泄  
不假疏濬  
勞民功快  
兩濟抉策  
慙吾曹

題水月老人故居 并序

老人姓孫名文字文石號水月明之會稽諸生 國  
初隱杭艮山門外榜所居曰梅園問其年長稱九十  
人有所與一介不取言論娓娓不倦少拂意終日無  
一言間爲長短歌詞落落自喜冠服多不從世法老  
而禿人以僧呼之老人笑曰我固牛馬任呼耳瀋陽  
范忠貞公撫浙太夫人謂曰昔年有一水月老人對  
汝祖言爾孫當撫浙我及見之今其言驗矣忠貞物  
色得之屏騶往謁爲築石徑於其門外曰百步塘自  
爲記刻石時西溪虎患忠貞偶問及之老人曰山頭  
大蟲任打門內大蟲休惹逮忠貞遷閩督老人囑別

曰耳邊火發時須有主意人皆不喻其意忠貞旣赴  
閩以不屈耿逆死始知門內蟲聞也耳邊火耿也羣  
以老人能前知爭謁焉老人厭之復避之他不知所  
終梅園後爲僧徒居改名水月庵肖老人若僧象奉  
之庵中墓其衣冠於庵之北王阮亭池北偶談徐方  
虎見聞錄俱載老人事稱之爲僧蓋亦據所傳聞耳  
近來庵復爲道士居言老人乃仙者余居去庵近者  
老猶及見之所聞得其實故詳著之於此

耳邊蒿火發門內大蟲蹲抗節真無朽知幾亦有神式  
廬遺石徑題碣護苔茵讎讖吾姑置交游信絕塵

踪蹟初無定相遭水月痕馬牛生任喚釋老死爭援名



未隨身隱風堪敵齒尊祇宜高士傳畱載此邱園

閏三月三日羣公約修禊事湖上雨阻不赴效

賦四言

芳辰有再良會可繼雲連陰岡興雨澎沛湔塵濯烟萬  
彙齊袂杜門永懷高興遐寄

東郊地偏鄉俗異於他所隸其俗事得二十首

騎吹西來巷陌喧扶犁官府出青門龐翁野老初觀禮

十日燈前話子孫雍正四年慶春門外築先農壇置藉田仲  
春亥日大吏率其屬行九推盡墮之禮

桑蕾新萌蠅子稀河泥頻鬪土膏肥九江舟販魚秧至

五堰人驅鴨陳歸蠅似蠶食桑而桑敗滅其子則免蠶近水田圃取河底  
泥以糞村人年年往九江取魚苗五堰瀕江斥鹵地居

人多以養  
鴨為業

上甲初逢禱祀誠和資強擬日辰名習訛正恐貽優笑

餛飩子生同餅子生清明前甲子日村人糶米粉作六十餛飩子祀土神以  
祈霽霽雪錄載宋優餛飩子餅子皆生之語茲承其訛

糞種分詳九土皆不妨到彥作生涯擔聲軋軋成羣出

陳學昏鴉一字排南史到彥之初  
以擔糞自給

橫塘春水熨如繪檐齒高低簇繡層一帶桃花半山路

豐華不負小金陵東郊有半山橫塘皆與金陵地名  
同橫塘民居頗饒稱人呼小金陵

梓花香散雨淒淒土鴨喧呼稻簇畦溝脊邨師頻指說

今年池水又平隄梓樹花落時多雨名梓花雨蛙之錫色者聲似鴨俗稱  
土鴨青鳥家言杭州湖水平隄出狀元東郊諺云池水

平隄出  
秀才

忙功價直倍蠶時澆飯頻需酒一瓶夜捉眠頭添小食

杭皮鹹子透花餼蠶家呼四月為忙月顧賃倍其直日餉四餐佐  
以酒蠶已眠一一急措之燥處呼為捉眠頭

雕盤露朵摘成堆喚賣聲催曉鏡開別有蟾蜍蘭燭蛹

也隨香菜入街來藥菜蠶蛹東郊人率擔入城喚賣郭璞爾雅注蟾蜍蘭可燭蠶蛹

刷取靈菱宿潤含鴉頭鉏荷翠都籃分明采藥圖難畫

絕筆邨中戴靜菴繭橋地多種藥草明畫士戴進號靜菴居繭橋相渡街

梅子黃酸杏顆肥桃尖紅渥李青衣甘整五月行人飽

似向羅浮頂上歸甘整邨多果樹熟時不禁人噉陸賈行紀云羅浮山頂楊梅山桃人登採拾止得於上飽噉不得持下茲地亦然

然

夏秋不怕久長晴鹵脈餘滋入夜生眼見龜紋河底圻

紫茄白苧尚縱橫東郊有夜潮地入夜滋潤耐久旱然不可多得尋丈間土性頓異

乃淘曾是土音操掉舌翻嫌客戶喬若道繭橋官話陋

行都畱載娜兒橋東郊語與城中迥別至繭橋則愈村嘲者稱繭橋官話效城中語者反謂之喬聲咸淳臨安志繭橋旁有張娜

兒橋東郊呼女兒為娜兒當時已然

不藉燕支拂鬢紗西風吹綻碧蟬花儂家赤岸邨邊住

曉擘牽離染翠霞石竹一名碧蟬花赤岸邨人秋取花汁作藍綿亦名藍燕支畫家用以染點及彩羊皮燈牽離繭幕也見劉熙

名釋

勞勤煮罷折腰菱夜作高挑嵌壁燈六柱簾輪織手轉

聲聲勺比擊魚僧諺云喫老菱夜作輿簾收絲之器見揚子方言

比合長綸動絞車十弓地拓並開廬祇聞柿蒂綾裝句

不見霞光線入書東郊五六里間糾線為業者十室而九天下仰其用志乘闕未載也

皂衣旁午下鄉行邨犬狺狺未識卿四十七崎江患里

官糧改折白銀輕臨江安仁等鄉苦江潮患每秋歉收明嘉靖時鄉官胡端敏公疏請於朝改徵糧為折銀凡四十七里半著為

令

孩兒螳嫩釣盈筐童子魚鮮一尺長好認金獅沽玉醴

更來白石買黃羊彭家步出孩兒螳竿釣得之魚盈尺者俗呼童子魚金獅子街賣無麴酒白石廟前羊脯有名

水落池塘獺趁魚荻花標動晚風徐爾胡更作蘭陵面

敗笠殘蓑態儼如池中荻竹戴告破蓑笠如人形以禁獺

蕘臺春暖綠抽心綿菓香蒿次第尋不及紫花來服美

繭橋傳有紫團參蕘臺子可榨油春種最廣採嫩莖為茹名蕘心菓俗稱來服為繭橋人參

水邨多半繞漁汀直埭彎兜逐地形例比冉溪齊帶姓

別無名目載圖經邨居近水地直者曰埭曲者曰兜張姓居之即名張家埭李姓居之即名李家埭

### 學東坡體賦水車

翻連一串牟尼珠淋漓百翼屏水鵠天公無權旱不得  
波生陸地田苗蘇田翁拍手為予說今年嬾龍嬾更絕

昨聞帝怒極深山蛻骨民間償怨缺水車一名龍骨車

### 活竹籬

入山斫貓頭畫地編鹿眼雖然得籬護稍覺生趣短鄰  
翁善取材活竹代縮版遮迺度高低延袤逐陂坦和株  
捆涼葉倒地裂柔篔貫織比經緯披敷約稽稗躡借白  
木支簷用紫藤縮亞以小扉開表或老樹椀無事斤與  
削徒手可結撰蛟龍體蟠蚪鸞孔翼排纂玲瓏翠羽屏  
潤澤青油繖圓規方擬矩繩直平似板狂鞭自靈活密  
篠仍敷衍繼歲疊增高逢春隙能滿味復供盤飧功堪  
衛池館禽蟲安故棲烟月畱清款評跋凡百植此君最  
蕭散人情尚工巧物用隨宛轉籬檜誠齋吟棚菊石湖

選兼此活竹籬全真見亦罕

詠烘青豆

僧房采采扱衣兜褪盡毛衣綠玉柔小漉恬鹽撈翠釜  
旋添蘊火焙香篝薦同花脯清芬合較勝梅諸活色畱  
孰笑邨家茶料少一杓分撮付瓷甌

揚嘉橋讀崇禎三年題名石

鴛梁水落魚衣枯礪礫斑駁排擣蒲尺方片石平似砥  
刻痕隱見蟲脚麤我聞樞衣涉水視那計兩脚霑泥塗  
張唇畫肚誦不出黥淡一面雲烟鋪急呼水洗復苔剔  
垢滓落盡分形模休嘉揚挖名所錫俗稱楊家橋敗壞修  
妮工爰趨刻紀是年重建工成勒石語簡畧粗記姓字垂昆孥東

郊風俗百事陋譜錄十姓九姓無思陵運逢陽九厄烽  
烟處處驚萑蒲六親九屬不暇顧粹棄井里東西逋後  
來保聚口耳隔父祖名諱悲糲糊鄉中赫奕數舊姓趙  
周宋陸金王胡摩挲此石一一在得緣枝葉求根株予  
家高曾首義役獨冠羣輦標前臚其間翟氏名列九向  
未盡見宗支圖拈豪伸札恭自錄重此一字逾一珠里  
中父老共走看夕陽人影攢菰蘆某賢某孝某才傑先  
耆雜事交陳敷或言此橋少逸北更有石刻埋荒蕪

稻藉藉床卧吟一絕

交尾勺鋪似屋苦黃雲窩卧睡鄉甜祇知功到充饑盡  
不道驅寒德又兼

題半舫齋

瀟灑重茅屋依稀兩板船苔侵波在陸雁過櫓搖天身  
世嗟萍泛江湖占地偏憑教風浪惡突兀眼中傳

走馬塘春行

路旁花柳更誰栽舊路無人走馬來茅屋竹籬畱眼處  
野桃還賸數株開咸淳臨安志走馬塘舊  
栽花柳號城東新路

沈椒園侍御巡漕山左建杜文貞公祠於南池

畔馳札索詩

任城城南水汎汎汀蒲織魚柳鳴蜚杜陵陳跡劇蒼涼  
好事無人勤剔刷繡衣使者賦東征龍節高擎轉禾稭  
平生稷卨心事同詩名正復相摩戛急乘公退愜幽尋

一櫓閒抽展鴉軋涼波森木儘浴洄水曲城隅隨點察  
懷人慕古意殷勤爰名工師事雕刮重簷周匝護丹青  
叢樹葱龍睨鳶鷁風景何殊古及今規模自度高且闊  
當年許簿賢主人氣味相投蘇與菽像設朱闌配食同  
駕駟乘虬互頑頡傳芭代舞巫降神妙譜新翻廢嘔晰  
椒園自譜  
迎送神詞詩魂來往月梁明太白樓高市中拔任城有太  
白酒樓生  
前離困走巴巫壽宮閑安愁自惹徵詩應向大雅羣顧  
我猶煩十行札小聲正慙蒙布鼓賸語還譏祭魚獺側  
聞詩柄屬斯翁乞靈端擬辨牲殺摳衣涓日拜階除泥  
凜不嫌馬蹄滑

新夏分賦齋中花草得虎耳花

葉茸垂虎耳英細錯疊牙正是初開日常如半謝花柔  
莖延瘦石嫩色染微霞地僻無名卉聊將鬪物華

石筍和王南邨秀才

形分嶰谷染蒼烟幾尺乖龍蛻骨堅笑煞清貧饑太守  
不將煮法問焦先

小園課藝禩花次元洲弟韻

棟花殿春風倏忽過九十芳園紅錦葆歷亂辭枝急聊  
復小裝綴英翹並羅及寬畦一掌平曉露土膏濕三尺  
鴉頭鋤奚僮便於執冗綠徧搽披小紅勤撥拾子尋黍  
粒微苗握苔花澁拂篠驅飛蝟啟塏避幽蟄防加密竹  
護灌用長匏汲標奇各篆牌避萎還覆笠新苞含未吐

香氣先裊裊西齋午飯餘閑隨蝶影入生意來眼中方  
畦翠叢集毋忽一寸萌長身並人立

飲黃蔭三上舍宅再用前韻

自結同隊魚屈指歲二十落落朱弦音不輟風雨急三  
千里從遊十萬言互及氣類彼此投炎潤就燥濕迄今  
鬢各蒼依舊手同執朝來折簡招嘉蔬自採拾開挹甕  
頭春道我枯腸澁我方厭逢迎閉關甘守蟄味道爲夕  
餐攤書當晨汲荷君鄭重意出門整藤笠談深坐屢促  
酌密香頻裊箋飛銅漏催幕卷銀兔入當時文酒場東  
臯勝遊集眼中吾與汝再見赤幟立

庚戌辛亥之歲嘗與蔭  
三等十八結東臯詩社

登靈鷲峯三用前韻

疊石青盤盤危抵累丸十萬竅剔玲瓏百籟吐淒急局  
步謹蟻綠妙境獲屨及林森見聞寂雲滃衣裳濕老木  
不藏根還與石持執山風落松子作隊飢猿拾神房鑿  
幽邃斧劈畫皴澁深穴敢倒闕想有老龍蟄流淙響地  
底萬古未經汲俯低時卧筇過隘每側笠襟多空翠染  
鼻有妙香裊靈境幻莫窮游踪奧難入遙冥曦已頽叢  
薄烟乍集長嘯遡歸途迴看覆文立

從辨利院遂峯上人乞方竹四用前韻

譜竹戴凱之表厥類六十方兄獨見遺顛倒置緩急寧  
師括竹萌佳種始收及謂言澧辰開聚族處卑濕孫枝  
厲廉隅折旋禮仍執破觚甘露師不泉費采拾豈嫌圭

角峻要令滑不澀兩師公案在分道比騰螫吾師意和  
會兩種備引汲左規而右矩方袍配圓笠相並骨幹殊  
相交烟雨裊我來飽與參多身定出入心空及弟子小  
園興大集火速遣人迎開籬我鶴立

艮山觀元大德土神廟碑五用前韻

環旋腰鼓城八面啟門十兼山值方位營壘備嚴急帳  
旁土礫基一簣肩可及周浴蔬圃寬曲抱沙洲濕吟徒  
偶牽邀探古手同執平林引閒步不假層級拾荒碑卧  
中斷苔土蒙垢澀劃肚忖銷殘捫爪剔封蟄識是元代  
祠軍民聚春汲歌舞奉社翁崇厦蓋天笠昭昭學錄文  
筆花粲可裊臺因雉堞餘圖經已失入真謂外邏山喧

然百妄集據實後可徵賴茲片石立

雒堞之餘築爲土臺碑有明文近志謂南山外邈又

云地脈近海所  
蟠結皆臆說也

### 題曹石倉處士遺墨六用前韻

東臯舊吟朋數同大歷十眼底半存亡歲事過羽急石  
倉兼畫荷品第神妙及當其快意時墨噴滿紙溼徐復  
小鈎鎖柄柄可把執趨艱刀謹奏得勢芥易拾意到筆  
未追妙處在枯澀迷茫烟雨濛菌蠢蟲蛇蟄嬾娟越溪  
施峭直漢廷汲斜朵曳風衣折枝摧雨笠咄嗟得之易  
孰爲襲緹裒片蹟今價高豪門購爭入展軸念前歡宿  
草感遙集三嘆概古今一長足樹立

### 咏松棚七用前韻

木架起摹金竹竿界作十左右位置宜高下捆束急檐  
頭數尺踰墻角四邊及樵山松粒新氣帶烟嵐濕密做  
木天施豐勝羽繖執晴陽墮釵影滿地翠可拾風罅尙  
玲瓏席幔殊結澀披襟藉片陰坐卧便嬾蝨洒然心地  
涼味永清冷汲舉頭一樹平真成青黛笠幽想落巖扃  
珀香吹靜裊雲光繞座流濤聲閉門入措觴共小飲不  
讓林下集但愧揮鋤夫洒汗重足立

### 雨夜自江干歸八用前韻

元雲深墨凝伸指不見十江聲挾雨來麤點打頭急排  
戶闔漁村倉卒避無及驚魂荷葉喧觸面柳條濕橫風  
助洶湧輕傘不受執斜侵利如弩千夫飲決拾平達浩



流川脚踏淖蹇澀破空走長雷勇氣奮百螫礮白電  
明辨路馳汲汲踉蹌到里門態可圖屐笠衣袴猥淋漓  
鬚髮辱沾衰年來我倦遊鄉邦簡出入胡復見漂雷經  
此百困集世路詎可量不語燈畔立

塘棲大善寺

苔荒石礎剝遺塵古栢猶傳不壞身落日嘯風兼嘯雨  
替他龍象泣天人

春去林梢薄靄分一重波外翠氤氳閑心共佛跏趺坐  
盡日門開向白雲

螢

小影畱叢草低飛映碧潭風前流未定簾畔巧相探情

性誰能識光輝爾自含滄江愁白髮相照亦何堪

曉登吳山見炊烟四起用韓昌黎望秋韻

臨安烟火十萬井刻連方罨排文函胥山一覽了在目  
高低勢挹山嶽巉閑蹤破曉萬景寂但餘嵐翠沾秋衫  
沉沉粥鼓響初動一爨首舉千尾銜東西南北爭擁起  
漫作一片雲糊緘沓波掀天互洄泐平蕪葢野難耘芟  
紫陽仙峯頓失勢排空自結玲瓏巖樓臺市肆黯古畫  
不假妖蜃嘘腥鹹証証人語隔重幕蠅鳴下界同詰詢  
我憑長空亦吐氣曠達那復憂譏讒與酣欲乘此盤礴  
輔翼造化施雕劊方員隨樣次第設安排位勢相臨監  
只恐黑深藏雄怪騰蛇涌出逞獍囓靈祠咫尺走可問

欲攬盃玆通微誠回頭漲膩漸消釋遠近竹樹縈筍揜

烏鎮

斷岸烟昏繫淺舸北風枯荻響颺颺吳兵列柵萑蒲靖  
梁寺遺碑鼎負高舊蹟漫傳烏重亂遺編還憶沈東臯

宋沈東臯平著  
烏青記四卷

道旁津堠應嘲我來往川途不憚勞

吳江聞榜歌

敲舷鼓隴胡高唱別離曲卹顧曲中人垂虹亭下宿

晚過常州

孤榜去不息沙禽飛自由牙城隨棹轉水驛帶天浮暮  
色來千里荒烟冒一邱永懷君子墓遠浦樹修修

丹陽

寒烟渺渺接南徐形勝猶分故國餘岸口人家皆種柳  
船中客饌每供魚鷗沙清况愁先遣萍梗浮蹤計已疎  
宛轉回腸忽關聽羈孤聲在獨輪車

渡江

蒜山抵瓜步二十里水面寒緊風勢雄舟輕帆脚顫長  
年祝私語舉酒臨波奠羣力一時并分勞及弱眷心手  
各嫺習一發勁羽箭恰如并州刀橫斷白匹練船底雷  
鼓鳴船頭電鏃濺高峙浮雲亭瞬息不復見收江得彼  
岸衆力乃知倦却望所來處蒼蒼烟一片

順河集曉寒占示蘇二堤藍圃周巨川汪瑤臣  
四孝廉

無入生... 四更月落天宇蒼燃燈出門登車箱雙輪轉轉身簌糠  
尖風如鏃草沒霜蒙頭瑟縮學蝟藏酸嘶鐵鐸聲郎當  
僕夫擲鞭馬卸韁大河浩蕩愁無梁下車欲墮兩足僵  
毛裘無功冷入腸黃道葱白光東方須眉稍識蘇周汪  
凌兢一一蹲枯楊涕唾凝沫弱若冠顛動唇齒言難詳  
諸君下幃清闕堂關河辛苦安能嘗裂膚折指旃裘鄉  
煖無圍爐饑無漿仰天太息哀歌長利名驅迫苦未央  
既以諗君還自傷

口號

漸遠江南漸入齊鞭梢頻拂馬頻嘶征鞭祇速離鄉遠  
何事怱怱趣馬蹄

東阿魚山望曹子建讀書臺

讀書我無因發櫜走塵埃伊人畱勝蹤一角起遐想山

高日易斜林樾互蒼莽稍待鈴馱稀來聽梵唄響

法苑珠林陳思

王遊魚山聞空中梵天之響嘗摹其聲節撰文製音傳爲後式

道中雜感

凍色壓峯峭天欲釀初雪旭日又騰空烟景淡施設馬  
蹄霜一寸曉程寒更切餓鴟叫遠荒驚飈殺窮節旗亭  
歷十五裘帽冷於鐵客子抱遐心愁腸自飲結回首連

山遮放眼老樹列故鄉渺何方浮雲千里絕

哀雁嗚嗷嗷水闊稻梁少天心偶降割三輔不得飽榆  
皮入釜炊蓬子當道掃同類豈無情我囊苦易倒惶惶

酒轍窮升斗引宜早忍視寧馨兒轉作肆中蕘權宜河  
內使古事今孰考板轅人一錢有惠詎嫌小

房舍客填集遲來宿無次投車荒涼邨壞屋罕籬蔽年  
饑流冗多縣遠奸宄熾荷此主人戒跼影心自悸炕冷

况難卧力倦尚無寐征鴻叫通宵寒燈耿一穗菘獵馬  
齧其恍驚怪雨至多謝鷄三號樽桑催攬轡

籠僮漏鼓絕驛駱車馬驅往來不相識貿貿誰與娛黃  
塵大野闊岐路各自趨楸楊無遠近埽天交帚枯蓬科

振空起不得少踟躕我往匪寧軌彼來豈坦途洪河多  
顛隳折坂猶崎嶇長遠喟然歎兼此歲月徂

百里人烟稀荒荒但平野林隅帶數家老屋傍古社壘

擊何假柱茨苗未識瓦有老鳩其形壯者冰兩蹀元宰  
職區分偏心任豐寡魏唐循儉嗇鄭衛習淫冶江南富  
麗場視此直土苴中夏猶若茲自慶天所假

蓬埽塵土間日出復日沒單車播兩輪輾輾幾時歇人  
生被飢驅焉得惜筋骨天公未方便捲地北風發羸馬  
屢倒旋驚沙競前突正綏戒僕夫跬步有顛蹶風急語  
轉訛垢蒙顏自駭超然一圭山崇朝青兀兀

山東民方告饑賑粟已下恭志

轉斛連飛竹虎符瘞一夕起歡呼共欽 四目明無  
外點筆無勞鄭俠圖

答易少府見贈

長沙易慶之墨妙並徐熙家學會無忝他才更絕奇風  
塵豪氣振萍水俠肝披翹首承明下寧命一技知

無不宜齋未定稟

卷四

糊室

仁和翟灝晴江

十字編稂秭雙層拓繭箋輝開屏六摺塵斷屋三椽抹  
粉辭江蜃連衣效壁蠶油窻花影密虛室貝光鮮目眩  
樓成玉宵明窟擬璿開爐防雪化掃榻詫雲眠敗堵周  
藏拙寒風頓失權潔勝香氎布煖敵紫茸氈戶有綿簾  
設床還紙帳懸贅疣除畫幃點污卻春聯啟竇仍通月  
張鐙莫惹烟憑唾賣餅俗不怕潤梅天帙整籤相映茅  
疎屋未穿土風循儉素吾計得安便塞向隨狸蟄攤書  
共蠹研詩成防自疥休逞醉中顛

斜街岳氏園亭

鶯子勺圓細路蟠風亭露榭繞迴闌種花已及三年長  
疊石尤宜四面看雪壁任題詩漫與風簾誰共客畱歡  
寸金價重排塵地恁得閑園十畝寬

江聲草堂圖爲金江聲觀察題

噪蟬那說林逾靜伐木奚云山更幽獨坐草堂傾兩耳  
方知兩語不虛浮

枚叔雷行狀最工弘農鼓作意毋同砵匊樂潯諸竒字  
好向齋垣寫一通

送朱劭亭進士試用河南

我生結習等夷隘白眼任從時俗怪多君風骨更廉稜

氣類以投珀引芥望衡對字半年住低頭日作東野拜  
竭來捧檄河陽去滿縣繁花續佳話潔清自凜官守箴  
素行奚煩書座戒韋弦取佩獨丁寧璇玉方員異流派  
草野尙能容倨侮冠裳未許任孤介董宣項強雖蒙賞  
陶潛腰折敢言憊偏弊曾教少挽移風節何嘗輕墮壤  
我躬自蹈未遑閱淄岸桃符憐土塊爲望好多求轉刻  
不量辭費逞惟快他時若纂理縣譜肯以芻蕘存未載

拈花寺訪二憨上人

過橋先見塢隔市遠停車初地塵分界三門樹列衙鏡  
平功德水香散鉢羅花欲問興增事豐碑立未斜  
勝國遺規遠慈宮啟信堅已來波譯像旋廣梵王筵龍

象超諸相香燈浩四天多承

新雨露釐祝敢忘虔明萬

歷九年孝定太后建寺名千佛有朝鮮貢尊天阿羅漢銅像國朝雍正間改賜今額

結坐茅團穩松陰漸轉階眼清十笏地心赴八關齋分  
饌伊蒲設題詩貝葉措憑公窺海藏瓶注愜幽懷  
款接不言倦深甌添夜茶杵聲羣動息旛影一燈斜坐  
促交談塵心清遠睡蛇未須商卧具曉鼓佛樓搥

喜汪西顥至都分韻得小字

秋氣澹虛牖端居念悄悄重來京雜游舊事倏已杳出  
門寡朋歡杜足意非矯谷音聞楚然清愁脫如掃翦蔬  
話綢繆刺刺不自了涼襟風幔搖密坐花叢繞聚散本  
搏沙光陰復過鳥當茲適意場飲戶莫辭小從前結隊

人今夕在多少

新秋集唐句

報秋涼漸至緣事發悲端鴻雁幾時到江山此夜寒微  
霜初結露風意欲摧蘭零落從茲始羈人殊未安

俞臯亭通守惠滄酒中路爲人要去

少小厭從酒三爵不自過近交燕市徒飲戶亦稍大燕  
中名醖重金瀾薏苡葡萄冬傳播軼倫未若麻姑城依  
合仙方漬純稷清醇宜號顧建康耐久何殊劉白墮故  
人治郡得酒泉肯給壺輪慰寒餓貧厨荒齋過三冬喜  
動杯觴拂塵堞一時方食又駢來知味宜呼小酌佐九  
鑿長腰軟橐盛二寸纖鱗重筍裹高淳夫惠玉田米戴  
建行惠寶坻銀魚燒燈



正擬治春盤食指頻搖口垂唾何來大力鬼負去傾倒  
自作甕間卧參醉未妨排闥入小竊亦恕鈐泥破白波  
捲盡太傷廉餘瀝不教衫袖澆我若公榮可不飲故人  
遠意失無那百花成蜜爲誰甜玉局翁詩閑笑和

雪

比珠比玉摠嫌非道絮稱鹽語亦違四萬八千修月戶  
斧斤餘柿滿空飛

和邵霽川立人陸古修三庶常咏旛燈韻

赤幟彤幢比孰勝禪關照徹九微燈燭龍有耀垂虛掛  
火樹無枝拔地興鷄鳥七星聯絳氣扶桑十日繫金繩  
光明止說瞿曇相仗衛今看寶燄騰

奴人買雜花栽庭下

得錢不買酒買花買花不必盡可嘉但得有花皆買取  
今日三株明日五小紅嫩綠半無名種法何知種樹經  
緣坡傍砌亂排拶灑水封泥本本活天時早晚次第開  
便有蜂蝶紛紛來閑堦爛然春一國奴人奴人殊不劣  
寓齋鄰樹足供朝夕玩賞遂以嘉樹顏所居柯

南墀孝廉善之同賦十韻

畸人擇所棲達士隨其遇偶比三宿桑難待十年樹城  
南舊客寮林木饒古趣高顛出重垣繚枝遠敷布不費  
買鄰錢我獲東家住餘翠隔簷分落影當窻赴涼風對  
散髮靜月愜良晤乃知假物用在在理流露劃然人我

無不宜齊  
分坐爲欣戚，誤不見種樹人息陰。幾朝暮。

與毛睿中論曲

詞曲雖小道，淵源樂府歌。不藉解聲律，詩節無由和。古調欲聞惟天上，唐宋詩章亦絕唱。優場莫賤靡靡音，歌法今傳此猶尚。七均高下度短長，酒邊觸興聲淋浪。低眉宛轉自疊拍，娥月飛窺簾幙光。閒中往往發心悟，因筌得魚蹄得兔。遺風遞失遞相因，下水船當逆流滂。談書不達喻俗情，攷器難狀舉今名。從來遠近理一貫，高論不顧庸耳驚。

有答

男兒原是可憐蟲，那得人皆足穀翁。造物爲予畱位置。

平生如我算中通，風塵千里身猶健。藜藿終年益未空，莫勸別圖安飽會。由來馬耳逆東風。

金魚池

柳影積池心，落痕暈池面。鱗鱗繡尾魚，沉冥不可見。淹沿去仍畱，志豈在投線。扁舟五湖心，清夢繞芳甸。難得全塊中闢此，秋一片池上占偏居。誰家涼葉院。

周元木萬循初周心羅見訪感賦

杜跡何心驥尾牽，蓬門常可雀羅懸。連裾不速來同隊，異地相思閱幾年。六月長風君尚息，一身涸轍我誰憐。悲歌舊是荆高侶，肯念屠沽到市廛。

天涯促聚論誰賓，貧賤交游最率真。借酒開襟時偶得。

到門投刺俗難循中年絲竹閑陶寫往事輪梭嬾具陳  
聞說著書編滿篋眼前俱是素心人

高淳夫明府寓寮觀李伯時九歌圖

森容孀態呼欲起烟幢蜃螭雲車駛晴窓開展毛骨寒  
元氣淋漓透冰紙名人幾見真蹟傳神工况屬李龍眠  
吾儕及此豁塵目未入豪家應偶然豪家置此意可悉  
國為山鬼語不吉不然也向高閣投禁秘人間那復出

風人詩并序

先庚後甲肇自羲經北斗南箕播諸周雅卽同音以  
通異字用他意以申此情齊梁演子夜之歌皮陸著  
風人之號乖訛自習未妨十石真針假借無端不辨

車輶月旦今之委巷時有斯談例既從乎古先辭詎  
嫌其穢鄙旅中却事酒後關情掇拾成謠聊啟清水  
之齒比方儲藥不捐敗鼓之皮

麻布染乾紅人人道色濃雞籠錦被蓋外好裡頭空  
霧失芙蓉影何從得見蓮墻頭藝蔥薤端的爲無緣  
瓶落窈間碎恁管豐到底豆乳東麻繩教儂提不起  
打狗拋羊骨有去便無回半天擲骰子卽定得么來  
竹籃打水轉成空幻棹竿被火焚羸得好長炭  
啞子喫黃連含苦不能說蜻蜓飛上籬得歇且暫歇  
月下攜燈去由來虛挂明譙樓棲雀穩經慣不心驚  
潘女嫁潘郎左右是拚却黃蘗下彈琴苦中且作樂

除夕前一日汪西顥張曦亮兩徵士萬循初孝廉集寓齋以山畱待伴雪春禁隔年花分韻得

畱伴二字

長安居不易况廼歲事投桂玉十萬家太半朝夕謀天翁福我輩卒歲還優游寂寞文字飲佳人隨意畱雪凍燈色耿天肅霜氣浮深杯互酬勸力敵千狐裘人生尚知足富貴焉可求酣歌達此夕且莫聽更籌

轉念二三子不久置閒散圭璋副特達渠祿藉宏筭

時

亮以經學舉循初董修續文獻通考

束髮憂面墻我挾蠹魚伴嘗欖未知甘穿

茵但成爛當前大小巫陡覺意氣短幸茲臭味同一樽話懇欵雲泥轉瞬分燕楚逐蓬斷

西顥將之楚

莫貽後日嗟有

酒不辭滿

萬循初創爲十言體賦市隱篇見投卽用其韻

奉調

正義云詩不見九字十字摯虞流別論謂詩有九言若河酌彼行潦挹彼注兹是卽長河九曲之星宿源厥後宋孝武造辭祀白帝按以巽金竒數排比連犴更益於此古今人不敢道慮音懈緩調詰屈辭蕪繁向偶誦風詩見有八字句我床下入蟋蟀與庭懸須妄於七字外鋪牽成變格句法生澁徒惱亂人心魂不意鴛湖萬子有嗜痂癖謂此格新創可屬同調翻別去歲換各稱歲苦馳驚未暇與陶泓毛穎相溫存昨簷頭罨粟吹出滿

天雪草堂外泥深一尺斷行軒閉門蝟縮命杯酒且獨酌念我酒伴恐高卧同僵袁忽聞剥啄有小奚衝雪至開筒出市隱什令懸市垣市中客對之暗若箝在口直疑其體摹絳州刺史樊子反覆尋讀恍見十層墻超七級九級卑凡聳慈恩慈恩寺雞卵十枚累錢真神妙技蓮花十丈出井無雕飾痕既明珠貫穿纍纍以落落復長虹騰吐矯矯以蜿蜿調愈出愈奇愈難而愈勝八百里駁遂甘遜千里驥或言長句闡緩不協金石意將斲仙鶴脛以齊鳧鴛筆隨意到何增減一分得槩可與鋪辭足數同例論君不見昌黎利劍語兀突又不見謫仙飛龍誦軒轅二詩皆有十字句必舉三百篇以繩千載士古今體輾

轉變化何多門漢後惟韋孟諷諫爲合作河梁栢梁俱分道開雄藩朝華披貴啟夕秀於未振曲禮毋雷同之教宜徵援數極於十不至此爲不備古先民特畱此缺後來昆今炳炳朗朗文治邁三古大塊藏成全發洩無蒙屯予未有郭恕先畫纜車筆一夜強和對閃閃寒燈昏朝來炙研欲寫寄西街去正雪窻明淨屋角回春暄

嘲賀歲客

見面稀疎室轉遐強隨賀燕綴春華一年一度情難已暫到尋常百姓家

養心殿製煖硯和梁元穎孝廉

端雲一片裁磻匣銅隄釦束借成匣員池下洞井源寬

無不宜齊  
暗篔旁疏春氣洽何處溫泉細意通博山山腹涵玲瓏  
生成硯北殊移就兩器廻連一范融玉堂新樣重傳世  
自煖常燃羞銜異枝房隱脈氣周流會心應出觀雞寺  
今地坑之制造自土垠  
縣觀雞寺中見水經注生香外續水內溫墨花點染無渴痕頗  
議寒儒佳思短忍炙硯背如炙豚

柳花

靜壓簾櫳晝悄然閑階春影弄輕翻因風趁蝶如爭路  
驟煖和人共脫綿強住暫緣清露潤羣飛還引落花顛  
玉奴心事紛飄撇莫倚狂踪去遠天

題王峩山舍人曉窻讀書圖

他人讀書讀在夜舍人讀書讀在早晨光炯朗旦氣清

讀書佳候非不曉發昫鼓動百事興萬斛黃塵肆膠擾  
舍人獨得掃除訣有分晨窻事搜討鴉隨殘宿散城頭  
露洗遙山踞林表琉璃六幅紙窻明雲母一甌糲粥飽  
此時散帙親聖賢我福不到成夢繞從來耄學然燭光  
端悔失晨由少小披君圖畫悄然思一日之計在寅卯  
雨夜分賦得簷溜

小雨垂鶯管簷端響漸增虛堂雙戶鍵涼夜一燈凝餘  
點斷猶滴羈懷愁不勝明朝卷簾望階土碧盈層

卽景

雲氣遙來作暮陰水邊叉手獨微吟昏鴉萬點忽齊下  
秃樹一株成茂林

無不宜齋  
涼夜讀書

耿耿壁間燈統統街上鼓沈沈夜籟虛唧唧吟蛩苦我  
如失晨雞跼踖退思補萬古日月輝皜耀懸策府不遣  
十篋陳有目但如瞽勿謂壯已非老力仍不努  
舉舉俗學子挾書工所要偶然值時蒙若若綬垂腰笑  
坐寒士羶指顧意氣驕攻書有捷境爾足投其遙請看  
渥洼姿一舉青雲超寒蟬嘶失時候蟲悲深宵  
鷺鳩啁大鳥難與論是非喫詬求元珠仍以不得歸埏  
埴有自然元化宰其機重或鐘呂毀用之蠹蜓飛舍學  
而從汝人人豈輕肥時還遂我志抱此朱弦希  
讀書期有用抱道豈忘世口中易管樂開濟果何技顧

此八尺軀要有千古志面熱心煩紆我躬尚難企神山  
青巍峩可望不可至一心驗區區干祿稍知愧

東便門外晚眺

轍跡斷微徑興高時獨行炊烟林外直牧笛水邊清路  
轉蓬沙闊天低雲樹平杖藜回首處殘照不勝情

憫忠寺見史思明寶塔頌

開元蝨賊安與史顯逆當陽乞陰社導諛辱此石剗  
推倒應呼一牛曳誰歟調停獲瓦全數字點竄東都燕  
歲月乖訛文缺泐有目摩挲仍共識由來金石代相珍  
不惟其物惟其人賜名憫忠義安設要奠貞魂勵臣節  
一薰一蕕同噐藏臭者自臭香者香君不見黃絹幼婦

一方石感激孤臣死泣血

謝登山于憫忠寺見壁間曹娥碑感泣不食而死

大雪日偕孫龍光孝廉葉敬思吉士家曉江兄

圍爐分賦

客到寒無酒爐開晝掩扉香生黃獨火煖透木綿衣錦  
帳人行炙銀屏妓合圍吾儕獨清絕重疊玉箋飛

上元日琉璃廠觀百戲作俳體五十韻示同遊

諸子

春明官廠設十種造琉璃鴛瓦供無缺羊燈代亦宜東

華遷舊市太乙奉佳時

燕都遊覽志燈市在東華門崇文街今在琉璃廠上元張燈始漢祀太乙見太平御覽

祥雪新開霽勞塵暫脫羈屢豐家給足百戲俗恬怡含

利工呈幻黎軒盡出奇喬人高續脛

見郭璞山海經註

立馬驟磨

旗

見魏志甄皇后傳註

板繫千秋索毬裁八片皮演書宗黑子

宋藝流供奉有

李黑子善演史

弄鉢賽容兒

張祐有咏容兒弄鉢頭詩

天僑騰絙舞翩翾鬪木熙

旋空掛跟肘距地擲腰肢勢仄懸梯透音繁縛角吹

抱朴

子彌衡為鼓吏搖蕤擊鼓縛角於柱口就吹之異聲並舉聞者不知其一人也今有打十不閑者乃其遺也

連廂供耍令踏鼓

唱京詞瞽女商弦撥了童越器持胡涼紛假面神鬼醜

蒙魃馴獸看料虎奇蟲見疊龜

奇蟲見鹽鐵論

粵拳角觝社賣口

祝禱醫白索輪光曳烏銅倩影窺

借指西洋景

黃花雙牘並絳

樹兩歌岐

絳樹能一聲歌兩曲黃華雙管並下見娜嬛記

燿燿揮丸劍亭亭累卵棋踰

鋒誇捷足筭骨証頑肌革冒通同拍

宣政雜錄靖康初民間以革冒竹鼓成節奏取其聲

似曰通同部今唱道情所拍者是

冰膠滑澆馳郎當牽鮑老宛轉習優施立

幟分千道圍場判一規饒顏工眠挺險譚雜堯離吳市



瞻西子揚州仰獻之

孟子疏西施至吳市觀者各輸金錢一文王獻之自論書云揚州一老母惠臣一餐作一字答之合

就市儂近觀三錢遠觀二錢

未攜標下綵稍費杖頭貲油壁緣源出青驄

銜尾隨堵觀雲路合香襲綺叢毗星貨排屢積春書應

節貽鬧蛾攢繡纈風鷄引晴絲土穉鄜州樣唐花浙水

姿晁說之鄜州排悶莫言無妙麗土穉動金門以鄜州田

北造泥孩兒名天下也土窖烘花之法始於浙之馬勝金絨挑鞦子紅

蠟綴椒枝素女圖罽絹文魚參碧瓷輝煌嗤藥玉突兀

詫糖獅鳥啣錫簫奏環鳴扇鼓移酒樓橫榜署茶社軟

帘欹蔬果均分局臺盤各有司焠豚陳厚膊籠餅蘸烏

飴禁鑰三衢緩歸鞭五夜遲竹聲交劈裂燈影又敷披

西漆南油彙星橋火樹蕤畫屏光凹凸像綵勢躩踞烟

火梨花散壺觴竹葉垂咿啞吟鳳曲磅礮響犀椎細瑣

書難徧嬰跚樂不支纏腰羞澁縮過眼任參差節物鄉  
情遠年光世路疲追尋優笑地點綴太平詩試舉同游  
客當筵定解頤

哀舊六章 并序

已巳秋來未滿二載叠聞訃書大雅云亡知交零落  
懷不能已爰賦六章

邵學博 名雋字開先仁和人己巳九月卒

邵君古賢人不意今世獲髻年侍嚴君天台秉木鐸山  
雨驟翻盆洪流盪城郭謹誨走僕僮指語登傑閣誓死  
牽母衣有足不獨託宿聞士林傳欲見屢迴錯長安人  
海中遂此平生約內景湛精瑩外貌鬱磅礮衣冠整暗

室情替不容著酉年戰棘闈筆硯偶連幕謂此甚鉅典  
承奉必以恪對越儼明廷旁觀愧且忤守道甘迂疎託  
迹轉寂寞世間猥巧場無地著公脚三年苜蓿齋一官  
候遼廓文曹未通籍真字廼膺爵烟幢導雲車鼓山奠  
靈魄念臺為主賓石簣共嘔噓歸當南入越遙候令威

鶴人言開先死為叢  
山神頗有所徵

毛孝廉

名元存字睿中錢塘人已巳十月卒

浙水稱三毛詞壇並超軼孝廉繼而起驥子絕倫匹德  
樞保粹和藝事騰蔚霽精數測周髀元音吹嶰律六書  
辨形聲穿貫斯與頡澶漫莊周言勃窣張憑窟靈田百  
巧叢獨抽迎時術公車困六上書空但咄咄屢膺節鉞

聘不受士師黜臬比坐堂皇青衿謹佔畢卓然五經師  
聲名動高秩南舟嘗荔支北轅觀趵突襍被忽從予光  
輝照蓬室銜杯吐肝腸倒簾示籤帙坐聽荒雞號言泉  
壅復出對榻月連三旅窻樂數一遠興落彭城孤踪復  
鳥疾聚散年未周郵聞語不吉姬姜泣素帷白髮倚蓬  
華阿宜復嬌小旅櫬返無日開囊玩遺書淚眼暗披拂  
元草無童鳥誰為事刊述

張徵君

名煇字曦亮仁和人庚午七月卒

張君恥帖括文筆雄鬣肩傾液會群言折衷截六際人  
嫌絕攀從轉說君傲睨班荆一言投風雨未予棄餘論  
借齒牙翦拂到闌闌兩年蛩駘依氣誼愈密緻 熙朝

無不宣齊  
尚儒術徵書四方賁紛綸井大春不愧五經笥方看褒  
然舉抽帆去如翅臨發兩踟躕柳陰重執臂商量絕業  
傳師友切風義撼樹我何量商掬亦有意巍巍泰岱高  
肯讓土一簣秋風鼓長林蘭芝共凋瘁茫茫萬古愁忽  
帶雁足至學海竟眈洋失楫何可濟相如不及壽馮衍  
不及貴擁鼻事酸吟消此一掬淚

萬孝廉

名光泰字循初秀水人庚午八月卒

秀州多秀民孝廉殆其尤摘藻艷芳春落實懸清秋往  
年沽上住詩筒疊相郵蒹葭一水隔神交面未謀詩中  
若見之清骨風修修幸茲愜幽晤板屋東西頭高格鎮  
浮俗古懷超時流味甘惡如醴顧乃與我投陳函互談

討新篇勤唱酬書藏千仞岡人卧百尺樓膏明苦自煎  
肝腎傷雕鏤淒涼服烏賦虹光黯然收荒齋寄薄櫬涼  
月蛩啾啾昨冬殘欲盡闖然來三侯君與曠亮西顯一燈圍瘦影  
斗酒開青眸率爾成佳會德星聚 皇州歡然四形影  
嗒焉兩松楸

戴處士

名清字問渠仁和人庚午十一月卒

弱齡慕名流所得有安道棲迹並城東乘興時謁造沙  
河環竹扉簷影鏡中倒花底靜鈔書鷗邊儼持釣脊骨  
清且巖兀突竦霜鷄客來澹無言貧賤養成傲我時初  
學鳴泥土申蚓竅赳赳陟文壇造次角材妙往往望綸  
巾投戈拜牙纛列侯欽其名蓮幕枉佳名重違白髮親

欲往首仍掉賣文苦不給屢見薛侵竈酸吟七無詩無  
俚自訶誚廣元人周德清意為詩七章澹定安天和辛苦全我孝高堂考  
終命忼慷知已報一劍竟飄然孤踪海濱蹈契闊十五  
載鱗羽阻音耗席帽來吾徒未語鴉忽噪南天少微星  
哀烏失光耀寂寞東郭子風雅悲絕調鶴狎無遠唳琴  
碎有餘悼庶幾李仲元法言著名號余長山雜志載君生平大略  
朱明府名心學字劭亭錢唐人辛未正月卒  
孔李舊通家之子尤我善三冬下重帷踪跡不易見居  
方閨稚謹出乃於菟健文場一戰霸鶻牘早膺薦年英  
氣猛銳才拔性孤狷交親情愈加箴切顏不變下問叩  
我囊鼠璞何可獻偶賞毫釐長相助弄筆硯挾策赴承

明百口競誇羨胡爲試小割看花洛陽縣俗吏本羞爲  
祿養慰微願賢勞自古然王事奔走先迎親共勸濟  
畢力返靈輅親以忠自娛子以孝自怨哀哀升斗邀幾  
得充藥膳誣諉由一官不如永貧賤一號腸摧輪再號  
肝裂片經年苦著膚永夕淚洗面毀瘠禮未任至性不  
可勸終以哀慕死純音播畿甸循良孝行傳欽子一人  
擅

瓜子

初窺玳瑁影斑斕細認南金瑣屑攢脫口乍同蔬甲破  
出膚還作瓠犀看頻分小令拳鈞弋未嘆衰年齒缺殘  
佳種莫教饕餮盡明朝再嚼水晶寒

周心羅解元惠赤刀筆

中山老免中書選蒙將軍始傳分明棗心栗尾束縛巧  
象牙麟角裝衍精或青或白或五色粲論各各隨花生  
何來管城倍光價顏如渥丹魚尾頰赤心紀事義有取  
豈徒文采矜華榮其尖如錐利如劍審象直惟文庫兵  
謚曰赤刀著深刻寶貴遂與球圖并我聞彤管職女史  
又聞丹筆正祥刑一雙日並隃麋賜官儀復載東西京  
有明尙方仿古製元默困敦紀所成管刻壬子年  
製小印文工名未  
見勒蔡澡產地不貴來宣城燕都宏規勝國建其間五  
度辛壬更米脂賊至逢壞劫九藏珍費歸軍營棄此槁  
竹不捆載得畱故府全清貞昭回文治覩 今日朝宁

翔翥名公卿尙書郎挾紫囊裏侍御史歛緋袍擊君有  
言動鐵筆紀臣有註誤霜鋒爭君明臣良庶事舉拜手  
稽首颺言廢赤刀赤刀如此用庶幾有實非徒名公今  
蕊榜先一鳴脫囊已出頭崢嶸玉堂薇省咫尺路合珥  
此筆趨 皇閔脫手贈我殊不稱塗鴉屈蚓空縱橫攜  
歸寓舍窻几窄瓦池竈墨交惶驚跛奚喚作赤龍小家  
老愛把珊瑚輕善刀而藏俟時用緹襲不許人窺窺答  
詩仍遣草根筆神氣正盡疲搪撐

題周心羅袖手圖

湘東一目項重瞳較量輸羸一霎空往事分明枰上見  
岸然脫頂灑松風

懷孫龍光舟中

炎晝易生煩復此散儔侶  
舉簾望雲峰蟬聲赤日午  
閱景緬遐程低蓬氣蒸釜  
料子歸心催有柳不停艖  
借舟得二妙謂石阜舜聲  
歸路幸不寂共吐冰雪文  
坐把炎歊敵一驛又一城  
家山青漸靚亦念滯留人  
天涯仍蹋壁

積雨聯句

癡雲壓沉昏天漏不可補  
晴江六街浩流川九旬失乾  
土朱家濂性之出門愁敝車  
入室畏陟堵晴江碎訇聲  
鼓喧蓼擾蛟龍舞性之一瀉  
勢謂竭再作力猶努晴江  
陰曠罨林巒飄蕭犯棟宇  
性之長牽不布陣密織難分  
縷晴江踰鳥睨欲出隊馬  
奔復聚性之有如杞梁妻善

哭只悽苦晴江又如劉元石  
一醉竟頽俯性之天時夏  
秋變地氣南北迕晴江涼思  
御綿裕濕訝濱斥鹵性之  
衣黧索芸薰屋漏借罌甕晴  
江方懼竈產蛙已見苔侵  
釜性之據壁恣蝸牛擯甕悻  
蝸虎晴江良禾慮飄没比  
室嗟罄窶性之瀟瀟催鄰雞  
滴滴間譙鼓晴江羈人每  
善懷靜夜益增懽性之昨來  
雙鯉函江鄉旱無雨晴江  
龜背坼新田編頭膠淺浦性  
之圓靈千里共澤貴崇朝  
溥盍以此所贏資彼嗇者取  
晴江驅雷過長江撥雲至  
陽隴雨暘迺時若到處實倉  
庾性之聯辭抵封章願附  
青冥羽晴江

出廣寧門

無不宜齋

磨牛來往跡頻存攀折南枝柳欲髡

陳文燭詩廣寧門外柳折盡向南枝 繾綣

可憐因客久得歸翻黯別離魂

琉璃河橋倚一鐵竿疑是鎮壓之物

晴波耀遠渚淨滑琉璃窗登登白石齊雁齒排平砥停車俯蒞藻繫馬尋株椿扶闌見窾兀精鐵鎔天杠黑龍掉其尾潛首深流瀧芒兼五色射質廢千夫扛居人信俚耳大言驚愚憊謂昔王子明微時理解艘刺水不用竹持此為撐樅傅會鐵鎗名口香眩家邦嘗聞金鐵性能使蛟龍降吾鄉錢武肅鑄鐵錢唐江至今江上浦來往呼鐵橦斯言可徵信斯物正等雙聖水弭流溢水經聖水出上谷孫汝登曰即琉璃河也永世恬耕糶奈何昧其功述古憑私腔寄語

圖經家秉筆掃雜咙

過白溝河

往聞遼晉界擘劃此河流沉鐵餘耕垡哀笳動戍樓柳陰看浴馬烟際認飛舟國事頻棋奕何傷十六州

景州

一十三級墪影浮遠霧出沒崇城頭客子往來眼熟識僕夫指說言謬悠俗說景州墪為塔王天下墪皆朝之書聲想誦廣川里履蹟欲尋無棣溝榆葉亂飄蓬草斷斜陽一片使人愁

魯連村

行行碣磔城言念魯連子黃塵蔽空霄滔滔大河水古人裕謀畫談笑折雄侈功成不受爵東海蹈遐趾富貴

無不宜齋

卷四

六

詎不榮身詘氣先靡高鴻無所求功名乃奇偉

平原道中

終朝拳足卧車箱不計來程幾許長滿把菊枝撩客眼  
故園今日是重陽

自齊河赴長清橋斷不得渡

冶鐵鐸錮白石牢輿梁百丈浮洪濠趨功當日何賢勞  
波神搏轡揚蜺旄忽然摘觸怒氣號快劍生斫斷靈鼇  
東西兩截拔地高中流隕石填岬嶠康逵九達橫白滔  
往來欲渡愁無舠吁嗟波神胡不仁狂動不顧民力湮  
秋來水肅徒涉辛重煩長吏縈心神爾廁獄瀆職視臣  
敢以桀鰲困萬民爾能壞之爾能新速麾蛟龍來梁津

今朝先放風日循一航送我渡河湄

開山廟

陂陀滑無轍亂礫堆隆窞僕夫整綏睨未歷先愁嗟掀  
轟敝棧軫犖确盤蛻蛇向回路轉隘巉石如排衙一綫  
五丁力斲紋被稠麻催鞭度磕匝挂鞢憂來車

崗山

北山例鉗髡茲谷極蔥蒨瘦榦窳雲房交根絡石面陡  
空立怪峯鑿壁開飛殿古像兀虛光危階直懸線當門  
虎豹雄靈狀咄百變凌兢阻復前望望不知倦

泰安道中望岱

高人愛山只愛幽我獨愛其奇偉磊落爲雄酋九方岳



鎮首所契屐齒不及行且休今年北道返車轍東渡五  
汶臨青州雙瞳有福岱宗覲千里不斷空烟浮陰陽齊  
魯明布列控會云亭走渤海仙都縹緲白雲封祖道豐  
隆蒼水節濁河一線脚下流橫坤兩戒腰間截青皇宮  
闕此山中上有葱蘢青氣結孕靈毓秀幾舍包其餘不  
覺崑嶠高帝出乎震大易語圭壁旒冕尊絳霄雨氣寸  
合萬里沛神光四燭千靈朝聞之援神契天孫職是人  
魂招逕欲往擇洞天福地處乘鸞駕鹿長遊遨又聞管  
子書七十二代金泥玉檢封峒嶷 當今功成洽九寓  
冀觀盛禮從雞翹未知二事遂我願一鞭直上窮日觀  
拍肩喚起安期生五十餘盤游汗漫

黃河

河水驚天落洄洄萬古聲低檐埋埽岬濁浪過山城息  
壤填何止高甌建易傾萍蹤飄歷慣忽動杞人情

晚眺名伯湖

千頃滄波千里船暮光遙睇蔚生烟高林漏月如畫地  
遠渚浮雲儘學天一雁橫空搖過艣幾家帶柳綴平川  
浩歌此夕逢清曠擊汰中流自鼓舷

過揚州

白社紅橋事幾更繁華未歇廣陵城珠簾不捲冥冥雨  
一夜夢中弦管聲

爲葉敬思題意園圖

無不宜齋  
一分屋二分水其餘七分皆竹矣修蛇一徑屈曲蟠仰  
見翔空萬鸞尾問君開築在何鄉渭水淇園母乃是不  
然居處共江邨我昔何爲未窺此葉君笑指無何鄉宿  
與篁兄訂生死貧家不辨買山錢青眼惟憑看畫紙封  
君千畝纔足豪高士一園誰爲侈僦將官事了前局解  
組歸謀未晚耳請君高論稍卑之十畝之間斯可已平  
坡曲礪因地宜茆舍枳籬隨意起卽看來耳及雲仍省  
口三年萬竿倚戛風嘯雨伴宵吟停雪遮炎令公喜中  
間要讓數弓寬我縛椽毛一亭子

泊洛社

日落停橈古渡邊蓬窗愁漲滿溪烟夜來一枕瀟瀟雨

我與白鷗同不眠

支硎山

盤厓蓄精鋌載道擁犖嶮摩空大斧揮頂觸斷無角瘦  
影骨支離裂痕面剝剝想得大癡翁皴法於此學

千尺雪

歎雲白淙雨落落珠梯山膚久衝滌苔滑無寸泥濺  
沫灑回風坐久寒淒淒何人冰雪懷得此遂幽棲

法螺菴

黛色聳洪螺剝中殼將透雲窩滴幽泉沮洳尚涎溜盤  
旋到上方著頂巧層構裂石階下梅蹇身同佛瘦

范墳

一葢倚堂封排空石林盛左右青蓮花光輝互標映森  
然圭笏陳萬狀同一敬納誨立朝端嚴嚴想文正

吳江

垂虹亭畔月暫照木蘭船秋老蓴鱸國霜寒橘柚天鷺  
飛烟路濶人靜水花鮮緬想三高士披吟笠澤編

經南湖不及登烟雨樓

管說嘉興烟雨樓雨濛烟暗迴生愁西風不許停孤棹  
急趁蒲帆過葦洲

海鹽觀海

軒然揚大波移影落天外元氣動洪濛靈物雜光怪浩  
蕩東南傾納約河江匯大哉海上觀眼力苦難邁尚羨

成連踪揚舲去不待琴臺風寥蕭鶴逕草蕪萊霞志孰  
矯從熒覓共驚億分豈仙凡殊跡以名利礙百斛肯自  
蠲一帆應可再海若爾不言吾先起長喟

偶題

三徑吾家有能來迹已稀歸根逢葉落出岫怪雲飛老  
木禽巢穩寒畦菜把肥申詹成獨笑得意在休機

遠山聯句

曠處值良覲招邀喚同隊晴江翹峯拱而立突壁盜于  
背六弟涵心淵遙臨頭競闖極望眼不礙八弟瀚元洲  
岩巖雲影邊鬱律海氣內九弟澍傅霖接水兩氤氳入  
空半蒙昧晴江平連野樹齊靜與柴門對心淵牕中列

畫屏林表結青霄元洲輕盈違良止浮薄離坤載傅霖  
勢引長虛闊色雜涼烟碎晴江蒼茫度荒城峻險抵絕  
塞心淵濃嵐上佛衣飛翠滴簷佩元洲常疑累蘚成直  
恐和霧退傅霖完缺視陰晴出没準明晦晴江瘴來黑  
立鐵雨過青染黛心淵夕陽弄金紫寒燒漬斑瑁元洲  
秋光照不及物色渺難繪傅霖恍惚隨人意爛熳變衆  
態晴江有如出塵士遠舉別儕輩心淵又如絕世姝却  
立送明昧元洲岳牧拱璇霄神仙擁碧瀆傅霖螺盤一  
尺高蟾歷初三朏晴江彎環圍瘦玦瀾迤築長埭心淵  
迷茫蜃氣嘘翠嶺鼇首戴元洲連岡接蠶眉孤墻豎鳥  
喙傅霖泉飛一線畫犢牧幾塵顙晴江皺處路縱橫濃

邊草蒨藟心淵咫尺洞谿開寸擁土堀礪元洲叢祠飢  
蚶壟灌木行薺菜傅霖皺敲廢千家花竹混一概晴江  
樓高眺欲迷野曠行屢息心淵風遞樵歌聞鳥去僧鼓  
擘元洲遷延宛相隨鎮坐似有待傅霖邨回暫爾失林  
缺儼然在晴江籬下認南山馬首疑東岱心淵函關氣  
共佳蓬島勢同閔元洲攜屐畏巉巖採藥阻蕪萊傅霖  
地迴隔人烟天遙興旅慨晴江懷人意綿邈送客心煩  
憤心淵目隨流水盡神逐奔猿駝元洲搔首起長吟此  
景特可愛傅霖